

Akeu Hymn, Praise & Worship Book



Tsiqeeq nail haoqgavq aqmil juq (Akeu hynm)

Aq bhu khi yaq Aq haq lal aq saol.....	1
Aq bhu Miq yail nail daoq.....	13
Aq bhu nga dao bhai gaiq-a nail.....	17
Bhaq-aoq eeq nail Miq yail.....	4
Eq yal khe gaoq jaoq bha kha-ai thaq nail lavq yavq.....	28
Geeq laoq iq sanl bivq nail Miq yail.....	5
Geeq laoq hal nail yanq.....	49
Gaq bivq lavq nail Miq yail.....	16
Gaoq jaoq kov tavq-ai gaq khoel ao il.....	12
Gaq-u nee hel daiq nail Miq yail.....	15
Heeq phaq bhai juq khi.....	57
Heeq phaq Kha li nail sal jial bhai ngal juq naol.....	50
Heeq tsul-ai jiav-u kivq.....	19
Hul-iq tsil ma yaol lovq nail juq.....	24
Jal liq ge nail khe-ai.....	40
Khul pevq lal gaoq neq, nee ma thaq cov.....	18
Kha mao-ail haol nail Miq yail.....	3
Khoeq nail jiovq nail ya daq gaoq neq.....	55
Kha-li ngaq bhai tsel-u n gaol.....	42
Laq khiq tsail yaoq heeq phaq lee-aoq nail.....	22
Luq duq lavq khoel-ai iq thaiq.....	38
Lol gov aq jail-ai jaol nail gaq.....	45
Lov phail ngaq nail gal duq ivq.....	54
Laq khiq tsail Miq yail bhai tsiq eeq.....	51
Mil tsaq niil iq sanl.....	6
Mil tsaq kov tavq-ai haq nail aoq nail.....	14
Mil tsaq iq sanl oeql bal lavq khoel-ai jaol naol.....	25
Miq yail yaq ol thul yaoq.....	36
Naoq bhai tsiq eeq naol.....	7
Naoq nail aq mil-ai tsiq eeq naol.....	8

Nee ma thaq tsaol nail tsaol-aq iq sanl laq khiq teevq tsail	...23
Nq tavq il khaol-a kev dai lavq yavq bhai juq naol41
Nq tavq gaq khoel juq20
Nq hao aq iq haiq naol37
Nal daiq yaoq gaq khoel tsiq eeq21
Naoq nail nee noeq bhi pevq yaoq heeq phaq ol33
Nee ma sal lal dai Yeiq sul nee lal naol laiq46
Naoq mail khul nail aq thel43
Ngal jaol nail bha nee sal ya nail laol jaol il48
Ngal noeq thuq-nq dee dee nail phaq neq52
Ngaq-ai nee jaol lavq10
Ngaq nail oeq bal tsiq haol nail47
Ngaq-ai kheel haq-eiv nail11
Ngaq nail heeq phaq aq bhaq eeq il27
Ngal gal duq lavq yavq bhai khanq sil29
Ngaq nail heeq phaq ol31
Ngaq nail doevq yeel naol oil yaoq32
Yeiq sul nail ganl noeq moel lal u26
Yeiq sul kha li, geeq laoq eel jaol2
Yeiq sul bhai nee ma thaq tsaol naol39
Yaoq-n yaoq-n nee ngal juq khi jaol58
Yeiq sul ngal naoq bhai gaiq-a56
Yeiq sul nail aq mil bhai oil yaoq53
Yeiq sul gal duq siv tavq phao lai44
Yeiq sul ol ngal iq sanl danq naol30
Sil nail cov nail juq bhai hevq kovq bhiq35
Tsaol-aq iq sanl nail nee ma phal lal dai34
Uq huq thaoq nail il khaol-a9

ENGLISH INDEX..

At the cross.....	57
A bide with me.....	10
A mazing grace.....	11
Angels from the reaalmgs of glory.....	20
Behold what love.....	17
Benediction.....	2
Bringing in the sheeaves.....	37
Be gled in the Lord and Rejoice.....	51
Come thou almighty king.....	4
Come thou founr.....	5
Count your blessings.....	14
Draw me nearer.....	31
Father ,Son and Holy spirit.....	1
Faith is the victory.....	55
Fully trusting.....	39
God will take care of you.....	18
God of our strength enthroned.....	16
Holy Holy Holy	3
How pleased and blessed was.....	9
How gedtle gods commands.....	13
Halk the herald angels sing.....	21
Have thy own way Lord.....	33
Higher ground.....	44
Have you been to Jesus.....	46
Have a story to tell the nations.....	34
In the name O Lord asseembling.....	8
I surrender all.....	30
I hear thy welcome voice	43
Joy to the world.....	22
Jesus the very Thought of thee.....	26
Low in the grave he lay.....	38
More than tongue can tell.....	29

My Jesus i love thee.....	56
Nothing but the blood.....	47
On the mountain top appearing.....	12
O God our help of ages past.....	15
O come all ye faithful.....	23
Old rugged cross.....	28
O happy day.....	42
Rescue the pershing.....	35
Rise ol men of God.....	36
Rock of ages.....	54
Selent night.....	19
Simply Thusting.....	58
Sweet hour of prayer.....	49
Standing on the promises.....	50
This is my father world.....	6
The light of the world.....	25
Take my life and let it be.....	32
Take the name of Jesus.....	53
The solid Rock.....	52
There's a stranger at the door.....	45
Trust and obey.....	40
The way of the cross.....	41
We praise thee O God.....	7
While shepherds waithed their flocks.....	24
When I survey the wonderous cross.....	27
<i>When peace like a River.....</i>	48

(1)

Aqbhu khi yaq Aqhaqlal aqsaol
Key, G (*Father, Son and Holy spirit*)

d - d - t - l - s - d - r - s ----

*Aqbhu khi yaq. Aqhaqlal aqsaol. Geeqlaoq bivq lavq
nail Miqyail ol Nqtavq yaq juq, miltsaq yaq juq, naoq
nail geeqlaoq bhai tsiqeq naol.*

(2)

Yeiqsul Khali geeqlaoq eel jaol

*Yeiqsul Khali geeqlaoq eel jaol. Aqbhu Miqyail nail
gaiq-a nail phaq. Aq heel mail bhi tsaq bhi daol nail.
Njuq nail gal duq bivq kev lavq.*

(3)

Khaq mao-ail haol nail Miqyail

Key, E

(Holy Holy Holy)

d - d - m - m - s - - s -

- 1 Khaq mao ail haol nail Miqyail.
Bhaq-aoq eeq nail aq heel ol.
Nq hao navq mav-ail n juq naoq bhai tsiqeeq
naol.
Khaq mao-iq haol nail Miqyail.
Gaiq-a nya nail Heeqphaq.
Hail gaq teevq gaq Miqyail bhai tsiqeeq naol.
- 2 Khaq mao iq haol nail Miqyail.
Naoq nail yaq tsiqeeq naol.
N-nail heel uqtsaoq naoq nail siv tavq-ai danq
bhiq naol.
Nq maq maq luv Miqyail.
Naoq nail sivtavq-ai lal khi.
Nqtavq gaqkhoel nee naoq bhai tsiqeeq naol.
- 3 Kha mao iq haol nail Miqyail.
Iq sanl nia nail Heeqphaq.
Nqtavq miltsaq kov tavq bhai naol iq sanl mail
aq meeq.
Khaq mao-iq haol nail Miqyail.
Aqbhaq eeq nail Heeqphaq.
Hail gaq teevq gaq Miqyail bai tsiqeeq naol.

(4)

Bhaq-aoq eeq nail Miqyail
(Come Thou Almighty King)

s - m - d - r d t- d -- - d - r

- 1 Bhaq-aoq eeq nail Miqyail ol. Naoq bhai
tsiqeeq ga naol.
N juq nee lee aqbhaq gaq eeq nail gaq iqsanl
bhai gaq nail gaq. N juq bhai uvthaiq lavq naoq
bhai hal naol.
- 2 Yeiqsul hevqkovq nail gaq bhaq-aoq oil khi
mail lee yaoq. Hal daoq nal daiq naoq nail yaq
bhai naoq nail geeqlaoq daoq cavq bhiq yaoq.
Meeq nail haol nail Yeiqsul n juq nee lee.
- 3 Neesal bivq nail gaq lee n juq jil lal-u bhai, mi
cil cavq lavq, bhaq-aoq eeq nail gaq lee yaoq.
N juq nee jaol lee yaoq. N juq nee thaq gaoq-ail
aqheel Miqyail.
- 4 Haol nail Miqyail gaq bhai. Nq maq maq luv
hal yeel. Tsiqeeq yaoq dei-eiq aivq nail
milkhaoq-a kev lai-u. Aivq nail aqbhaq ya moel
aivq bhai yaoq gaq yaoq-ao nee, tsiqeeq yaoq
dei-eiq.

(5)

Geeqlaoq iq sanl bivq nail Miqyail
Key E^b (Come Thou Fount)

m r d - d - m s r - r - m

- 1 Geelaoq iq sanl bivq nail Miqyail tsiqeq kivq dai saol lavq yaoq. Naoq-i mail gaiq-a nail maq ceiv lai dai naoq bhai tsiqeq tsiqphoiq naol. Naoq nail gaqkhoel cavq nia nail khe-ai, ngal cavq kivq dai saol lavq yaoq. Naol goil gaiq-a nail laqkhoel jaol naol ngaq bhai teevq yeel bhi ivq lavq.
- 2 Naol ngaq bhai hel daiq lavq-i mail, havq-eiv nail phaq bhai ngal gaq lai. Naol ngaq bhai tsu lovq nail ngel-i mail naol jaol nail bha kev lal kivq. Ngal neq gailkhaol gail bheeq bheeq gaoq, Yeqsul ngaq bhai hal pov lee. Ngaq bhai hevq kovq nia nail gal duq aivq nail aqsivq ya il lee.
- 3 Aivq nail n aivq naoq nail geeqlaoq, ngal teevq bhee teevq lovq ya naol. Ngaq nail neema eeq duq jiav dai naol ngaq bhai cavq saol lavq yaoq. Heeqphaq ol ngal naoq bhai gaiq-a gaoq, Ngaq nail neema lav laiq nia. Naoq nail ilkhaol-a kev lal nia dai ngaq nail neema lav sav lavq.

(6)

Miltsaq niil iq sanl

Key, G

(This is my father world)

d r m - s -m r - d - - r m f - l - s

- 1 Miltsaq niil iq sanl mail ngaq nail aqbhu-i teivq-ai thaq. Khal teivq-ai thaq nail yaoq phaq yaoq-ao nee meeq nail bhai ngal ya moel. Ngaq nail aqbhu nail miltsaq kov tavq-ai neesal ya. Nqtavq miltsaq aoqtsaoq khabhaol iq sanl aivq-i mail teivq-ai thaq.
- 2 Ngaq nail aqbhu-i teivq-ai thaq, nail miltsaq laq khoel khe. Khal jaol nail keivq-avq ovtsil iq sanl aivq nail geeqlaoq-ai tsiqeeq. Aivq nail miltsaq laq khoel-ai. Aivq nail aqbhaq bhaq-il. Haqtsoiq bhai ngal tsao-ail gaoq neq, Miqyail jaol nail heeq lal.
- 3 Ngaq nail aqbhu nail miltsaq laq khoel khe jaol nail. Haq-eiv nail phaq gaq kav lal gaoq neq, ngaq nail aqbhu gaq lai. Ngaq nail aq bhu nail miltsaq laq khoel-ai gel-nl dev gaoq. Yeiqsul ngaq bhai uv joiq-ai thaq naol aivq nail miltsaq teevq-eel ngaol.

(7)

Naoq bhai tsiqeeq naol
(We praise Thee O God)

s - d - d - d - d - - d r m-m

- 1 Naoq bhai tsiqeeq naol. Naoq nail yaq bhi lee-a nail. Ngal gal duq sil khi kovq dav lai thaq nail gaq.

Haqleqlulyaq geeqlaoq eeq naol.
Haqleqlulyaq aqmiq.
Haqleqlulyaq geeqlaoq eeq naol.
Neema bhi phal lavq.

- 2 Naoq bhai tsiq eeq naol. Aqbhaq geeqlaoq aqheel. Yeiqsul nee ya moel haq aqnav juq peivq ail.

- 3 Oeqbal phi ha gaq bhi meeq bhi haol lal gaq. Khanq sil nail Yaolyaq gaq bhai nga dao tsiqeeq.

(8)

Naoq nail aqmil-ai tsiqeeq nail dai
Key, C (In thy name O lord Assembling)

s - m - d - s - m - r d - s

- 1 Naoq nail aqmil-ai tsiqeeq nail dai, Heeqphaq ol n juq jil lal. Laqkhiq tsail tsiqeeq lal nia khi, Naoq nail daoq nal daiq nia dai.
Neema neemeeq aol lal nia dai, naoq nail yaq kav bhai cavq lavq.
- 2 N juq miltsaq kov tavq-ai jaol-u phao, aqyanq iq sanl naoq bhai danq. Noeq thuq-nq teevq bee jia nia dai naol ganl aqmeeq phaq bhi nl lavq.
Naoq nail geeqlaoq naoq nail aqbhaq, n juq bhai bhi moel lavq yaoq.
- 3 Neema haol taiv dai thaq khi mail naoq nail yaq naoq bhai tsiqeeq.
Naoq nail geeqlaoq gaq-u nee maq tsil, naoq nail yaq bhai naol bivq lavq.
Laqkhiq tsail khi geeqlaoq-ai tsiqeeq. Neesal ovq nail ya gaq-ao naol.

(9)

Uqhuqthaoq nail ilkhaol-a
Key, A (How pleased and Blessed was)

s - d - d - r - t d - - d- m- m

- 1 Uqhuqthaoq nail ilkhaol-a. Aivq bhai
uqhuqthaoq lal. Uqhuqthaoq ha-aq ngal laqkhiq
tsail. Laqkhiq al jaiq-ail tsail-il.
Uqhuqthaoq nail ilkhaol-a ngal lai khi
uqhuqthaoq lai naol.
- 2 Miqyail jaolduq aqmeeq. Geeqlaoq teevq bhee
jiav naol. Miqyail aivq nail yaq bhai tsu lovq.
A bhai jaol nail tsaol-aq.
Laqkhiq teevq tsail tsiqeq. Khaqmao kev dai
gul gul ail tsiqeq.
- 3 Daqbhil nail Yaqyov bhai milkhaoq jiav lal nia
dai. Miltsaq kovtavq bhai aivq lee khi,
milkhaoq yaq laqkhiq tsail.
Oeqbal tsiq haol lavq-i, haqnail yaq bhai neesal
bhi ovq.
- 4 Neesal ovq nail geeqlaoq. Naoq bhai teevq
bhee jiav naol. Naoq nail yaq juq bhai bivq kev
yaoq. Naol jaol nail bha lal-u.
Neema bhi sal lavq yaoq. Naoq nail yaq bhai
geeqlaoq bivq yaoq.

(10)

Key, E^b

*Ngaq-ai nee jaol lavq
(A bide with me)*

m- - m – r - d - - s- - l – s – s - f -

- 1 Ngaq-ai nee jaol lavq. Nqkivq kivq lee aoq nial. Aqnav ngel-i, heeqphaq ol ngaq-ai nee jaol.
Yu maq heldaiq nia neesal maq bivq nia heldaiq nia nail gaq ol ngaq-ai nee jaol lavq.
- 2 Miltsaq kovtavq bhai aqyanq jel-ail khi Laqkhiq tsail nail khi aqbhaq-iq peivq-ail.
Iq sanl phal lal khi peivq-ail boev-ail aoq nial.
Maq phal lal nia nail gaq ol ngaq-ai nee jaol lavq.
- 3 Khaqmao kev dai naol ngaq-ai nee jaol lavq.
Neivq haq-eiv nail phaq bhai naol gaq lai nia naol. Naol taivq-ail ngaq bhai heldaiq lavq nia nail gaq. Aqbhaq aqnav ngaol-aoq neq ngaq-ai nee jaol lavq.
- 4 Ngal sil-u naoq nail daoq bhi gaiq lavq yaoq.
Aqnav bhai nqtavq gailkhaol hevq daiq lavq. A bhai aqnav peivq-ail aqbhaq pevq lal naol. Ngal doevq gaoq sil gaoq naol ngaq-ai nee jaol lavq.

(11)

Ngaq-ai kheel havq-eiv nail
(Amazin Grace)

s - d - - m d m - - r - d - - l -

- 1 Ngaq-ai kheel haq-eivq nail tsaol-aq bhai
ngaol-aoq, naol bhi jel-ail lavq naol. Ngal
peivq-ail gaoq naol hal pov kovq. Maivpeivq
ngaol-aoq moel lal naol.
- 2 Gaq-u ngal gusil dee dee gaoq. Aq-il ngal maq
gusil. Naoq bhai neema thaq tsaol nail gaq.
Geeqlaoq teevq bhee ya naol.
- 3 Haqnail aoqnail mao dee dee nail. Naol bhi jel
ail lavq naol. Naoq nail geeqlaoq bhaq da nee
mail, niaiq-ai kev lal aoq naol.
- 4 Aq-u phao Yeiqsul aq bhaq laq khoel-ai, aq
meel-nq kovq jaol gaoq neq. Miqyail geeqlaoq
bhai tsiqeeq naol. Aqyanq jiav dee dee naol.

(12)

Gaoqjaoq kovtavq-ai gaqkhoel ao-il
Key, C (On the Mountain Top Appearing)

s - m - d - s - m - r d s

- 1 Gaoqjaoq kovtavq-ai gaqkhoel ao-il
Miqyail mail khoel-ai thaq-il. Miqyail nail yaq jaol nail-a lee khi meeqnail daoq niall hai cavq lee. Noeqhaq nail juq. Noeqhaq nail juq, Miyail bhi jel-ail lavq naol.
- 2 Noeqhaq nail naoq bhai kevlee khi aqtsaoq aqlaol gail maq bhaq. Jalmul mul nail naol ya daq khi maivbhil dov dov-ai ya haq gaoq.
Laqkhiq tsail yaoq laqkhiq tsail yaoq. Miqyail naoq bhai gaiq-a naol.
- 3 Naoq nail Miqyail bhi jel-ail lavq naol.
Aivq neq naoq nail aqtsaoq ngaol.
Jalmul mul nail naol gaqlai khi aq yu juq bhaq-aoq peivq-ail naol. Bhi jel-ail nail gaq, bhi jel-ail nail gaq Miqyail bhi jel-ail lavq naol.
- 4 Jalmul mul nail naoq-ai maq gaq lal. Aivq bhai Miqyail dal bhiq naol. Naol haqnail aoqnail ya daq gaoq, Miqyail geeqlaoq bivq lavq naol.
Noeqhaq nail phaq noeqhaq nail phaq naol khaqmao gail ya jel-ail naol.

(13)

Aqbhu Miqyail nail daoq
(How Gentle Gods Commands)

m -m d – m - r t - r - d - - -d - d l – d

- 1 Aqbhu Miqyail nail daoq, aqmeeq naldaiq meeq naol. Naoq nail yalkav aivq bhai tsiq phi. Aivq bhai juq khi jaol yaoq.
- 2 Aivq tsulovq jaol-i mail, tsaol meeq juq neesal ya. Nqtavq miltsaq bhai tsulovq khi aivq nail yaq bhai tsulovq.
- 3 Khul khi jaoqgaoqmil nail-aiq, neema khul khi cov nail-aiq, Miqyail jaol nail-a laqtsail lalyaoq. Neesal naoq-ai bivq lavq naol.
- 4 Aivq mail naoq bhai gaiq-a nail teevq pov-i maq phal lal nia .Ngal noeqhaq gaoq aivq neesal bhivq. Aivq bhai ngal tsiqeeq naol.

(14) *Miltsaq kovtavq-ai haqnail aoqnail*
Key,E^b (Count Your Blessings)

m m m f s s s m - f

- 1) Miltsaq kovtavq-ai haqnail aoqnail kevlee khi,
suq-nq gil aoq nial dai neema bhai noeq lal-u,
Miqyail geeq laoq teevq phaq nail teevq phaq ge
daiq. Miqyail geeqlaoq mao dee dee nail ya moel
naol.

Geeqlaoq teevq phaq nail teevq phaq ge daiq.
Geeqlaoq ge daiq geeqlaoq mao nail ngaol.
Geeqlaoq ge daiq teevq phaq nail teevq phaq.
Miqyail geeqlaoq ge daiq geeqlaoq mao nail
ngaol.

- 2) Noeqhaq noeqaoq nail naoq nail galduq kev lee-
u, naoq nail lavqyavq bhai naol maq bavq tsaol-ail
laiq. Miqyail geeqlaoq ge daiq noeqhaq nail thaq
jiav. Laqkhiq teevq tsail naol Miqyail bhai tsiqeeq
yaoq.
- 3) Milkhaq hulmeeq meeq nail bhai naol ya moel-u.
Yeiqsul naoq bhai kha dai gaiq-a nail dai noeq
daiq. Maq ge gil nail Miqyail geeqlaoq bhai noeq
daiq. Laqkhiq teevq tsail naol Miqyail bhai
tsiqeeq naol.
- 4) Noeqhaq noeqaoq nail naol ya thaoqphuq gaoq
neq .Neema thaq cov Miyail naoq bhai tsulovq
naol. Miqyail geeqlaoq ge daiq naoq nail teevq
yeel bhai. Miqyail gaqkhoel naoq bhai heldaiq
phail lavq naol.

(15)

Gaq-u nee heldaiq nail Miqyail
(O god our Help of Ages Past)

s - m- l - s - d - d - t - d - s - d

- 1.. Gaq-u nee heldaiq nail Miqyail noeqthuq-nq
duq naol teevq-eel ngaol. Lilmoel eeq lal-u jaol
haiq duq gaqnaq naq duq naol teevq-eel ngaol.
- 2.. Naoq nail doiqbey bevma sitavq-ai n juq bhai
bhi jaol lavq. Gaq eeq nail naoq nail aqlavq-i
ngaq bhai tsulovq lavq yaoq.
- 3.. Nqtavq miltsaq maq bhai-u nee naol Miqyail
pevq thaq naol. Naol teevq pov gail maqpov maq
phal-ail. Khaqmao gail iq dao deel.
- 4.. Gaq-u nee heldaiq nail Miqyail Noeq thuq-nq
duq naol teevq-eel ngaol. N juq doeinq-u tsulovq
lavq yaoq gaqnaq naq duq naol teevq-eel ngaol.

(16)

***Gaq bivq lavq nail Miqyail ol
(God of our strength Enthroned Above)***

Key, E^b

m – r d s – s l d s- m r

1....*Gaq bivq lavq nail ol Miqyail ol n nail ivq duq
khi mail goil duq n juq geeqlaoq hal nia-i mail
naoq bhai n juq tsiqeeq gil naol.*

Cho: *N nail ivq duq n nail goil duq n nail neekhaol
sil duq naol ngaol.*

2....*Laqkhiq tsail khi naoq bhai juq naol. Naol taivq-
ail n juq bhai heldaiq nia. Gaq-u tsaolmeeq
tsaoljaq juq bhai naol aq meeq-ai heldaiq thaq
naol.*

3....*Miqyail ol n juq iq sanl mail naol khe-ai dul lal
dai heldaiq lavq. Maqmeeq nail neq iq sanl liv
ha. Oeqbal jalmul bhai bhi gaq lavq.*

4....*Gaq bivq lavq nail ol Miqyail ol. Naoq bhai gaq
hal dee dee ga naol. Ngal naoq bhai neema thaq
tsaol dai. Khaqmao kev dai ngal naoq bhai juq.*

(17)

Aqbhu nga dao bhai gaiq-a nail
(Behold What Love)

- dm s- s- s- d- s- f m - d r m s
- 1....Aqbhu nga dao bhai gaiq-a nail kha dai eeq nail
ngel-ail, nga dao oeqbal yaq pevq gaoq neq aivq
nail yaq bhi pevq lavq.
- CHO:** Aqbhu nga dao bhai gaiq-a nail nga dao bhai
gaiq-a nail kha dai eeq nail ngel-ail dai noeqdaiq.
Nga dao bhai gaiq-a il mail Miqyail yaq dai khul
lavq naol.
- 2....Nga dao oeqbal laq khoel-ai jaol gaoq aivq neq
maqjilha dai. Yeiqsul nga dao gal duq sil-aoq
naol. Aivq mail gaiq-a nail noeq daiq.
- 3....Heeqphaq teevq pov gaoq yavqkha lee-u bhaq-
aoq kav dee dee naol. Aivq bhai nga dao ya
moel-u bhai aivq khe-ai nga dao pevq lal.
- 4....Nga dao niidai noeqthuq-nq thaq-i nga dao
neema sal lal. Nga dao nail Heeqphaq kovq lee-u
nga dao aivq khe-ai pevq lal.

(18)

Khul pevq lal gaoq neema thaq cov
Key,E^b (God will Take Care of you)

m - f - fi -s d- r - m -- r - d

1...Khal ul pevq lal gaoq neema thaq covq. Miqyail
tsulovq jaol naol. Aivq nail aqdaol iq govq-ai
jaol haq, Miqyail tsulovq jaol naol.

CHO: Miqyail tsu lovq jaol naol. Aivq nail n aivq
aivq nail dao aivq. Miqyail tsulovq jaol naol.
Miqyail tsulovq jaol naol.

2....Nlmaoq maq jiav-ail neema cov gaoq. Miqyail
tsulovq jaol naol. Naoq nail gailkhaol-ai gusil
lal gaoq. Miqyail tsulovq jaol naol.

3....Naol loq nail phaq bivq gil lavq naol. Miqyail
tsulovq jaol naol. Naol khalhal nail nal daiq lavq
naol. Miqyail tsulovq jaol naol.

4....Aqtsaoq maq bhao-ail neema cov gaoq. Miqyail
tsulovq jaol naol. Aivq bhai juq ha-aq neema
sal lal. Miqyail tsulovq jaol naol.

(19)

Heetsul-ai jiav-u nqkiv
(Selent Night)

- Key, E^b
- s. 1 s m -- s. 1 s m -- r - r - t
- 1.....Heetsul-ai jiav-u nqkiv. Yeiqsul doevq lee-u
nqkiv. Nqtavq bhaqlaoqkheq dai jiav. Haoltaiv
deel yaqnuq teevq gaq
(Heetsul dai iqthaiq-il)2
- 2.....Heetsul-ai jiav-u nqkiv. Aqnav bhai bhaq-aoq
bhaq lal. Nqtavq gaqkhoel tsiqeeq-u yaol lovq
nail juq ya gaiq-u phao
(Hevqkovq nail gaq doevq lee)2
- 3.....Heetsul ai jiav-u nqkiv. Yeiqsul nail maivphaoq
bhai, bhaq-aoq aqbhaq teevq bhee bhaq lal.
Ngadao oeqlbal nee jel-ail dai,
(Hevqkovq nail gaq doevq lee)2
- 4.....Heetsul-ai jiav-u nqkiv. Aqqil nail aqbhaq
bhaq. Nqtavq gaqkhoel tsiqeeq nail Yeiqsul
bhai tsiqeeq ga bhel.
(Hevqkovq nail gaq doevq lee)2

(20)

Nqtavq gaqkhoel juq
(Angels from the Realms of Glory)

Key, C

s – m – d – s - m - .r – d - s - 1 - 1

- 1)....Nqtavq gaqkhoel yavqkhalee khi miltsaq iq
sanl jillal khi, bhai gaq thaq nail bhai cavqgaiq
khi hevqkovq nail ganl cavqgaiq yaoq.

CHO: Uqhuqthaoq lal .Uqhuqthaoq lal.
Miqyail bhai uqhuqthaoq lal.

- 2)...Yaol lovq nail juq gail lal gil yaoq. Yaol juq bhi
jaol-ail ceevq yaoq. Miqyail tsaol-aq nee jaol
lee-il, aivq bhai uqhuqthaoq lal yaoq.

- 3)....Neegeel aol nail tsaol-aq lal yaoq. Aqgil
haoqnao tsaothel lavq. Tsaol-aq yaq bhai
hevqkovq nail gaq-ai meeq nail kovpavq bhivq
lal yaoq.

- 4)....Khaliyaq juq iqsanl lal yaoq. Heeqphaq
niaoqkhu bhai doevq lee. N ju iq sanl hevqkovq
nail dai miltsaq kovtavq-ai yavqkha lee.

(21) *Naldaiqyaoq gaqkhoel tsiqeeq*
Key, G (Hark the Herald Angels sing)

s – d- d- t d- m- m r- s'

1....Naldaiqyaoq gaqkhoel tsiqeeq. Heeqphaq
Yeiqsul doevq lee aoq nail. Miltsaqyaq bhi tavq
bhi jil Miqyail bhai bhi tavqlai yaoq. Tsaol jeq
iqsanl thul lal yaoq Gaqkhoel juq nee tsiqeeq
yaoq. Bhaiqlaiqhaiq meeq-nq bhai doevq lee
tsaol-aq iqsanl bhai cavqgaiq. Naldaiqyaoq
gaqkhoel tsiqeeq. Heeqphaq Yeiqsul doevq lee-
aoq nail.

2....Yeiqsul bhai gaqkhoel tsiqeeq aivq nga dao nail
heeqphaq ngaol. Yanq tsaq dee dee nail kev lal-
u miltsaq bhai aivq yavqkha lee. Miqyail yaqnuq
doevq lee nail nga dao aivq bhai tsiqeeq yaoq.
Yeiqsul Eilmagnoeq-eiqlal gaq nga dao
nee jaollee-aoq nail. Naldaiqyaoq gaqkhoel
tsiqeeq Heeqphaq. Yeiqsul doevq lee-aoq nail.

3....Aivq neq neesal bivq nia khi tsaqnail daolnail
aqbhaq ngaol. Khaqmao kev dai doevq khi mail
aivq nail lavqkhoel-ai bhaq-aoq jiav naol. Aivq
nail khaqnsail bhai thaq-ail ceevq nga dao jel-ail
dai doevq lee. Nga dao tsaolsivq pevq lal dai
miltsaq kotavq-ai doevq lee. Naldaiqyaoq
gaqkhoel tsiqeeq Heeqphaq Yeiq ul doevq lee-
aoq nail.

(22)

Laqkhiqtsail yaoq Heeqphaq lee-aoq nail
Key D (Joy to the world)

- d - t l s -- f m - r- d -
1.....Laqkhiqtsail yaoq. Heeqphaq lee-aoq nail.
Heeqphaq bhai tsiqeeq yaoq. Neema iqsanl
lavsav yaoq dei-eiq. (Gul gul-ail)4 tsiqeeq
yaoq dei-eiq)³
- 2.....Laqkhiqtsail yaoq aivq uvthaiq naol. Gul khi
tsiqeeq yaoq dei-eiq. Khal bhai-ail thaq nail
yaoq phaq yaoq-ao nee
(Laqkhiq tsail khi gul-il)³
- 3.....Oeqbal dai khi noeqhaq nail phaq lavqpeivq nail
dai aivq lee. Aivq mail gaiq-a nail geeqlaoq iq
sanl (Miltsaq kovtavq-ai bhee-il)³
- 4....Tsaq nail khi mail gaiq-a nail lavqkhoel-ai
miltsaq bhai uvthaiq-il. Aivq mail gaiq-a nail kha
dai eeq nail-aiq (Nga dao bhai bhi heeq lavq)³

(23)

*Neema thaq tsaol nail tsaol-aq iqsanl laqkhiq
teevq tsail*

Key, A (O come all ye faithful)

d- d - - s - d - r - - s -- m -r - m - f

1....Neema thaq tsaol nail juq lal khi tsiqeeq lal
yaoq. Bhaiqlaiqhaiq meeq-nq bha iqsanl mail ail
gil bhel. Nqtavq gaqkhoel nail Heeqphaq bhai
heldaiq lal yaoq. (Heeqphaq Yeiqsul jaol nail-a
lal)² Heeqphaq Yeiqsul jaol nail bha uqhuqthaoq
lal yaoq.

2....Nqtavq gaqkhoel ol laqkhiq teevq tsail tsiqeeq.
Nqtavq gaqkhoel nail maqmav gaoq tsiqeeq
yaoq. Daqmoe bha jaol nail. Miqyail bhai
tsiqeeq yaoq.
(Heeqphaq Yeiqsul jaol nail-a lal)²
Heeqphaq Yeiqsul jaol nail bha uqhuqthaoq
lal yaoq.

3.....Miltsaq kovtavq-ai doevq lee nail Heeqphaq-ai
tsiqeeq. Aivq bhai bhaq-aoq khaoqsail teevq
bhee dai bhi jiav yaoq. Aqbhu Miqyail iqsanl
nail gal duq jaol lee.
(Heeqphaq Yeiqsul jaol nail-a lal)²
Heeqphaq Yeiqsul jaol nail bha uqhuqthaoq lal
yaoq.

(24)

Hul-i tsil ma yaol lovq nail juq
(While Shephards Waithed Their flocks)

Key, D

- m f s - d - t - l - s - d r m - -m - s -
1.....Hul iq tsil ma yaol lovq nail juq yaol mavqmav
 bhai lovq-u phao, nqtavq gaqkhoel yavq kha
 lee khi (Bhaq-aoq aqbhaq bhaq dov lal)2
- 2.....Yaol lovq nail juq gusil dee dee-u, nqtavq
 gaqkhoel moel khi, nul juq thaq gusil dei-eiq,
 yaq-nlkiv (Geeqlaoqdaoq oil leevq-a nail)2
- 3....Yaq-nl kiv Bhaiqlaiqhaiq meeq-nq laq khoel-ai
 Heeqphaq hevq kovq nail gaq, nul juq nail gal
 duq doevq lee-aoq nail, (Niaoqnel niaoqkhu-ai
 iqthaiq)2
- 4....Miqyail bhai tsiqeeq tsiqphoiq yaoq. Miltsaq
 neesal bhi ya. Tsaol-aq yaq tavqlai jillai dai
 (Nqmaq maq luv bhi jiav)2

(25)

Miltsaq iqsanl oeqlbal laqkhoel-ai jaol-il
Key,F (The light of the world)

s – d- r - m - m - r - d - r – d- r - m -

1)...Mitsaq iqsanl oeqlbal nail laqkhoel-ai jaol-il

Miltsaq nail aq bhaq Yeiqsul ngaol. Aivq nail
aqbhaq neq, nlma khe-ai bhaq-il. Miltsaq nail
aqbhaq neq, Yeiqsul ngaol.

CHO: Aqbhaq jivq nail-a naol laqtsail lal yaoq.
Meeq nail aqbhaq naoq nail gal duq bhaq.
Gaq-u bhai maivpeivq, aq-il neq moel lal-aoq
nail. Miltsaq nail aqbhaq neq, Yeiqsul ngaol.

2)...Yeiqsul nee jaol-u aqnav nail laqkhoel-ai maq
jaol. Miltsaq nail aqbhaq neq, Yeiqsul ngaol.

Aivq nail haoqnao lal-u aqbhaq khaqmao-iq
bhaq il. Miltsaq nail aqbhaq neq Yeiqsul ngaol.

3)...Oeqbal laqkhoel-ai maivpeivq peivq nail tsaol-aq
ol. Miltsaq nail aqbhaq neq, Yeiqsul ngaol. A
bhai

Yaolyaq nail aqbhaq khaqmao-iq jiav.
Miltsaq nail aqbhaq neq, Yeiqsul ngaol.

(26)

*Yeiqsul nail ganl noeqmoel lal-u
(Jesus the very Thought of Thee)*

Key, G

m - m – m- r - - m - f - t - d - -

1....Yeiqsul nail ganl noeqmoel lal-u laqkhiq tsail
neesal ya. Yaqhao naoq nail maivpacaoq moel-u
laqkhiq gaoq ya tsail jaiq.

2....Yeiqsul aqmil khe-ai meeq nail khaq bhai gail
halpov gaoq. Niidai phaq-ail meeq nail aqmil
miltsaq kovtavq-ai maqmoel.

3....Oeqbal noeqpov noeqphal nail gaq. Naoq bhai
Miqyail noeqthuq-nq. Tsuq-ail thaq nail tsaol-aq
juq bhai, Naol tsiqthul lavq nail ngaol.

4....Yeiqsul nee gaiq-a kha dai eeq nail. Moeqthaoq-i
tsiqeeq-u maqgil. Miqyail yeiqsul neegaiq-a
aqheel aivq nail yaq taivq-ail heeqnia.

(27)

*Ngaq nail heeqphaq aqbhaq eeq-il
(When I Survey the Wonderous Cross)*

Key, F

d -- d r m r m f m r m-

1....Ngaq nail heeqphaq aqbhaq eeq-il.

Aivq mail sil thaq nail ngal noeq-u.

Phul heel ildaoq maoqgaiq maq hal

Neema eeq nail phaq ngal livha.

2... Yeiqsul ngaq nail gal duq sil danq.

Ngaq nail neema eeq duq jiav naol.

Ngaq-i mail khal jiav nail iqsanl mail.

Kanqsil thaq nail gaq bhai danq bhiq.

3... Geeqkhaq mal bavq-ai aqsivq il lee.

Nga dao bhai gaiq-a nail ya heeq kivq.

Gaiq-a-i mail aivq ya noeq haq. Aqgoe
dalkhaol uqtsaoq ya tsaoq.

4.... Miltsaq iqsanl aivq bhai danq gaoq.

Danq nail niil neq aivq dai maqkev.

Aivq neq ngaq bhai gaiq-a nail ngel-i mail.

Ngaq nail aqmaol neema danq bhiq.

(28)

*Eqyal khe gaoqjaoq bha kha-ai thaq nail
lavqyaq*
Key,^{B^b} (Old Rugged Cross)

m f s - s l- s - s s l-

1.....Eqyal khe gaoqjaoq bha kha-ai thaq nail lavqyavq neq, haqnail khi aoqnail phaq mail bhee il. Oeqbal yaq nail gal duq Yeiqsul aqmaol sil danq. Lavqyavq thoil neq ngaq nail gaiq-a duq.

Cho: Miltsaq niil nee ngal ya gaoq-ail nail-a kev.
Lavqyavq thoil khaoq neq ngal gaiq-a nail jiav.
Lavqyavq niil aq-il ngal nieivqthaiq-ai thaq.
Yaqhao heel uqtsaoq bhai gaoq oil naol.

2.....Milkhaoq yaq iqsanl mail lavqyavq bhai jilha nail. Haqnail khi aoqnail phaq mail bhee-il. Miqyail gaiq-a nail yaolyaq khaoqsail bhai loevha khi, ngaq nail galduq lavqyavq bhai khanq sil.

3.....Yeiqsul nail aqsivq leivq nail lavqyavq bhaq da nee, meeq dee dee nail phaq bhai yalal naol, Ngal meeqlal haollal khi oeqlal nee ya jel-ail dai, Lavqyavq kovtavq Yeiqsul khanq sil naol.

(29)

Ngaq nail galduq lavqyavq-ai khanq sil
KEY, G (More Then Tongue Can Tell)

s- d - r m s l f m --

1..... Ngaq nail galduq lavqyavq-ai khanq sil.

Yeiqsul ngaq bhai gaiq-a dee dee. Ngaq bhai khadai gaiq-a nail dai. Moeqthaoq maqge gil tsaol.

Cho: Aivq mail goil nail gaiq-a nail neegaiq.

Moeqthaoq ge-u maqge gil tsaol. Yeiqsul ngaq bhai gaiq-a nail neq. Moeqthaoq maqge gil tsaol.

2..... Nga dao nee mail jaol movq-i mail. Aqgoe dalkhaol uqtsaoq tsaoq khi. Noeqhaq noeqaoq nail aivq ya daq. Moeqthaoq maqge gil tsaol.

3..... Miqyail nail doiqbrev sivtavq bhai, Aivq ngaq nail gal duq jaolduq hal, aivq bhaq da nee ngal neesal ya, moeqthaoq maqge gil tsaol.

4..... Aivq nee jaol-u ngal laqkhiq tsail. Gusil nail jel-ai gaqnaq ya naq. Aivq nail laqkhoel noeq thuq-nq duq jiav. Moeqthaoq maqge gil tsaol.

(30)

Yeiqsul ol, ngal iqsanl danq naol

Key, D (I surrender All)

m -m f -m- r- r m - r - d - d

1.....Yeiqsul ol ngal iqsanl danq naol iqsanl naoq
bhai danq gil naol. Naoq bhai juq khi laqkhiq
tsail naol. Khaqmao gail ngal naoq-ai juq naol.

Cho: Khal jiav nail danq khi, ngal naoq-ai nee lal
naol. Hevqkovq nail gaq ol khal jiav nail iq
sanl mail danq naol.

2.....Yeiqsul ol ngal iqsanl danq naol. Naoq nail
sivtavq-ai uqhuqthaoq. Laqkhiq tsail nail livha
gil khi naoq-ai nee ngal jaol movq-il.

3.....Yeiqsul ol ngal iqsanl danq naol naoq-ai nee
mail bhi jaol lavq. Naol mal dil ngaq nail
heeqphaq ngaol. Aqheel gaq ngaq-ai nee jaol
lavq.

4.....Yeiqsul ol ngal iqsanl danq naol aqmaol nee-
ma av bhiq naol. Naol goilnail phaq ngaq bhai
bivq lavq, naoq nail geeqlaoq gail bivq lavq.

(31)

Ngaq nail heeqphaq ol
(Draw me Nearer)

Key A^b

m- f- m- r - r - r m - r -

1....Ngaq nail heeqphaq ol naoq nail daoq **ngaq bhai gaiq-a** naol dai gelavq yaoq. Naoq bhai neema thaq tsaol nail laqkhoel nee, naoq nail aqjail-ai ngal jaol movq-il.

Cho: Naol khanq sil thaq nail lavqyavq aqjail-ai heeqphaq ngaq bhai hel-aivq lavq yaoq. Heldaiq lavq yaoq. Heeqphaq ngaq bhai heldaiq lavq. Naoq nail aqjail-ai bhi jaol lavq.

2....Naoq nail geeqlaoq mail ngaq bhai tseldov lavq. Naoq nail ganl bhai bhi nl lavq. Ngaq nail neema noeq thuq-nq duq jia khi mail naoq nail neenoeq bhi pevq lavq.

3.... Naoq nail doiqbrevq sivtavq-ai ngal ya jaol-u ngal laqkhiq tsail dee dee naol. Ngal geeqlaoq hal khi, naoq-ai nee aqtsaoq tsaoq-u, ngal laq khiq tsail dee dee naol.

4 ...Sil nail laoljaol bhai **daol jao maq ya jao.**
Neegaiq-a iq maq heeq gil kivq. Ngal naoq-ai nee gaqnaq maq ya naq-u neq naoq nail neegaiq maqbhee lal.

(32)

Ngaq nail doeveyeeel naol oil yaoq
(Take my life and let it Be)

- d - d - d s - d m - s - f - m - -
- 1..... Ngaq nail doeveyeeel naol oil yaoq. Heeqphaq
naoq nail gal duq ngaol. Ngaq nail aqlavq gail
oil yaoq. (Goilnail gaiq-a nail ganl bhi nl)²
- 2..... Ngaq nail aqkhil bhai yuq yaoq. Naoq nail gal
duq bhi ail yaoq. Ngaq bhai bhi tsiqeeq lavq
yaoq. (Naoq bhai taivq-ail tsiqeeq movq-il)²
- 3..... Ngaq nail moeqthaoq bhai yuq yaoq. Naoq nail
daoq taivq-ail bhi ge lavq. Ngaq nail phul heel
naol oil yaoq. (Naoq nail milkhaoq bhai yuq
yaoq)²
- 4..... Ngaq nail aqyanq bhai yuq yaoq. Naoq nail
galduq taivq-ail nl naol. Ngaq nail neenoeq
neekha gail,
(Naoq nail ganl taivq-ai ngal nl movq)²
- 5..... Naq nail neema bhai yuq yaoq. Naoq nail
taivq-ail bhi pevq lavq yaoq. Ngaq nail neema
bhai oil khi,
(Naoq nail jaolduq bhi pevq yaoq)²

(33)

*Naoq nail neenoeq bhi pevq, Heeqphaq ol
Key ,E^b (Have thine own Way lord)*

m- r - m - f - - m - d - t - d - r

1.....Naoq nail neenoeq bhi pevq, Heeqphaq ol.

Naol iqlaoq teivq heel ngal neq miltsaq.

Naol neenoeq tsaq dai ngaq bhai oil khi Naol
oil movq nail khe-ai ngaq-ai teivq lavq yaoq.

2..... Naoq nail neenoeq bhi pevq. Heeqphaq ol.

Yanq gaol ngaq nail neema-ai laoq-nq daiq
yaoq. Neema nuq jiaov dai ngal naoq-ai
nee lal. Haqlaq nee maq tsil dai tsiqphul lavq.

3.....Naoq nail neenoeq bhi pevq Heeqphaq ol. Ngaq
nail gaq bhaq-il gaq bivq laoq lavq. Bhaq-aoq iq
sanl jiav-ai haq nail ngaol. Hevqkovq nail gaq
ngaq-ai bhi tavq lai lavq.

4.... Naoq nail neenoeq bhi pevq, Heeqphaq ol.

Ngaq bhai aqmeeq-ai uvthaiq lavq yaoq.

Ngaq nail lavqkhoel khali bhai yu moel dai
haol nail Miqyail ngal laqkhoel jaol.

(34)

*Tsaol-aq iqsanl nail neema phal lal dai
(have A story to tell to the nations)*

d r m - m m f - m r m

1).....Tsaol-aq yaq iqsanl nail neema phal lal nail.
Aqtsaq aqdaol nail daoq jiav naol. Miqyail
gaoq haq nail. Gailkhaol bhai,
(Coevq tev dai pevq nail daoq ngaol)²

Cho:Aqnav nail laqkhoel aqbhaq bhaq lal. Nqhao
gail n gaol khe-ai pevq lal. Bhaq-aoq mail bhaq
nail, Yeqsul nail milkhaoq miltsaq kov tavq-ai
kevlee naol.

2).... Tsaol-aq iqsanl Heeqphaq bhai heeqnia lal
Dai, cavqgaiq nail daoq aqmeeq jiav naol.
Cavqgaiq nail daoq niil haq-eiv nail khi,
(Neejiav jiav nail peivq-ail naol.)²

3)....Tsaol-aq iqsanl Heeqphaq bhai heeqnia lal dai.
Laqkhiq tsail nail daoq gail jiav naol. Aivq nail
neegaiq bhi heeq nia dai.
(Aivq nail yaq bhi lee thaq nail)²

4)....Tsaol-aq iqsanl Miqyail nee kovq lal nia dai.
Hevqkovq nail gailkhaol cavqgaiq yaoq.
Tsaoljeq-e iqsanl hevqkovq nail dai,

(Haqnail aoqnail aivq ya daq)²
(35)

**Sil nail ovqnail juq bhai hevqkov bhiq yaoq
(Rescue the perishing)**

s- m f s s s d t l l

1.....Sil nail ovqnail juq bhai naol hevqkovq bhiq
yaoq. Oeqbal khoeq nail nee mail hevqdov bhiq
yaoq. Laiq nail juq bhai gaiq-a yaoq tsuq-ail nail
juq hethul. Hevqkovq nail Yeiqsul jaol nail ge
gaiq yaoq.

Cho: Sil nail ovqnail juq bhai hevqkovq-ail bhiq
yaoq. Yeiqsul gaoqhaq nia khi hevqkovq
nia naol.

2.....Aivq nail daoq maq nal daiq-u Yeiqsul neq ol
naol. Aq yu juq noeppov khi kovq lal nail-ai
daoq-nq. Hevqkovq nail gaq ngaol dai, neema
thaq tsaol haq. Neema thaq tsaol nail gaq Yeqsul
hevq kovq.

4.....Neivq jalmul bhaq da nee tsaol-aq cov-ail gaoq.
Miqyail geeqlaoq bhaq da nee meeqlal naol. Goil
nail gaiq-a nail laqkhoel aqmeeq-ai tsulovq ha-
aq.Cov-ail thaq nail gaq gaoq meeq kovq lal naol

5..... Sil nail ovqnail juq bhai naol cavq nail tsaq
naol. Naol cavq nia dai Miqyaiq hel daiq lavq
naol. Ol nail neema jiav khi aq yu juq-ai heldaiq

Hevqkovq nail gaq sil nail gailkhaol cavq gaiq.

(36)

Key, B^b ***Miqyail yaq-ol thul yaoq***
(Rise up ol men of God)

s - d - s - m - s - l - - s - l - t d

1.....Miqyail yaq-ol thul yaoq. Aivq nail galduq lai
jai. Aqmaol neema iqsanl Miqyail galduq
ganl nl nl yaoq.

2.....Miqyail yaq-ol thul yaoq. Aivq nail milkhaoq
bhi kev. Haq-eiv nail phaq peivq-ail dai laijai
gaiq-a nail phaq bhi kev lee.

3..... Miqyail yaq-ol thul yaoq. Khali nail meeq-nq
daonq-il. Yu juq nail ganl nl nail gailkhaol-ai
yu juq bhai jao-ai bhiq yaoq.

4..... Miqyail yaq-ol thul yaoq. Khali nail lavqyavq
bhai, aivq ailnail bha naol gail ail yaoq
aivq nail galduq nl yaoq.

(37)

Nqhaao aq- iq haiq naol
(Bringing in the sheaves)

s s s 1 s m- d d d r
Nq hao aq-iq haiq naol. Geeqlaoq daoq gail haiq naol.
N gaol phao gail haiq khi nq kiv gail haiq naol. Gov
mi lal khi gaiq nail aqyanq kev lal haq neq, Laqkhiq
tsail tav dai gov phi khi kovq lai naol.

(Gov phi khi kovq lai)²
(Laqkhiq tsail tav dai gov phi khi kovq lai naol)2

Aqbhaq laq khoel-ai maq khaiq, aqnav laq khoel-ai
maq khaiq, Aqcoevq aqloil maq khaiq, N juq neq,
haiq naol. Maq maoq lal mail gaiq gil ganl nlleev gil
khi mail laqkhiq tsail tav dai gov phi khi kovq lai
naol.

Neenoeq haq nail laqkhoel Heeqphaq gal duq haiq
naol. Neema cov nail moel-u maivbhil dov lee gaoq.
Aqyanq kevq lal haq neq. Heeqphaq neq havlavq naol
Laqkhiq tsail tav dai gov phi khi kovq lai naol.

(38)

Luqduq laqkhoel-ai iqthaiq

Key, C (Low in the Grave He Lay)

s - s - l - l - s s - - s m l

1)...Luqduq laqkhoel-ai iqthaiq. Yeiqsul hevq
kovq nail gaq. Nqbhaq bhaq lal nail bhai,
Yeiqsul daoq-nq-il.

Luqduq nee mail thul laq aoq nail. Jalmul mul nail iq
sanl gaq lai-aoq nail. Aqnav bhai gaq lai khi aivq
gaoq doevq kovq lal-aoq nail. Aivq nail yaq nee jaol
khi khaqmao gail uvthaiq. (Thul lal-aoq nail)
Haqleqlulyaq thul lal-aoq nail.

2)...Yail juq luqdaol-ai lovq gaoq, Yeiqsul
hevqkovq nail gaq. Lovq gaoq khul gail
maq tsoiq. Heeqphaq Yeiqsul.

3)...Sil nail aivq bhai maq gaq. Yeiqsul hevq
kovq nail gaq. Sil nail aqheel bhai gaq.
Yeiqsul Heeqphaq.

(39)

Yeiqsul bhai neema thaq tsaol naol
Key-F (Fully Trusting)

s - l s - m m . f m - d

1).....Yeiqsul bhai neema thaq tsaol naol. Aivq
nail daoq bhai ngal ya gaiq. Kaqmao gail ngal
maq ya noeq haq. Aivq nail saljial-ai ngal juq
naol.

CHO..(*Aivq bhai juq naol maldil juq naol. Aivq bhai
juq ha-aq neesal ya*)²

2).....Oeqbal jel-ail dai Miqyail bhai juq, aivq nail
aqsviq-i tsiqhaol lavq. Aivq neq ngaq bhai
tsiqhaol lavq khi Miqyail ngaq bhai hevqkovq
lavq.

3).....Gusil nail phaq jel-ail nia dai. Yeiqsul bhai
neema thaq tsaol. Aqnav laqkhoel-ai ngal
ya ail gaoq. Aivq nail bhaq-aoq bhai ngal ya
moel.

4).....Ngaq nail aqmaol Yeiqsul-ai av bhiq. Neema
iqsanl av bhiq naol. Ngal khal jiav nail ngal
khal noeq nail iqsanl aivq bhai av bhiq naol.

(40)

Jalli ge nail khe-ai

KEY - F

(Trust and Obey)

d r m-m- r- d-- d m s - s-

1).....Jalli ge nail khe-ai, Heeqphaq haoq nao lai-u
nga dao bhai gailkhaol hevq daiq lavq naol.
Aivq nail neekhaol nl haq Yeiqsul nga dao
nee jaol. Yeiqsul bhai taivq-ail juq khi nl dal
laivq.

CHO.. Yeiqsul bhai juq aivq nail daoq bhai nal daiq
nga dao thail hai jaol-u bhai. Aivq nee mail
laqkhiq tsail.

2).....Ngal noeq haq nail jiav khi neema haq khi
jaol-u Yeiqsul iq sanl lav peivq gil lavq naol.
Maq haq tsaol nail neema maiv bhil dov nail
jiav-u. Aivq bhai juq ha-aq iqsanl peivq-
ail naol.

3).....Aivq nee mail aqtsaoq. Aivq nee mail jaol
yaoq dei-eiq. Khaqmao gail aivq nail haoq
nao tsao the. Aivq mail khoel nail bha ail.
Aivq nail daoq bhai ge yaoq. Yeiqsul bhai
taivq-ail juq khi nl gil yaoq.

(41)

*Nqtavq ilkhaol-a kev dai lavqyavq bhai juq naol
(The way of the Cross)*

Key,A^b

s l d - d - d - r d m - m

1.....Nqtavq ilkhaol-a kev dai lavqyavq bhai juq
naol. Gailkhaol yaoq khaol yaoq maq jiav.
Lavqyavq nail gailkhaol bhai ngal maq tsao
haq nqtavq ilkhaol, ngal maq ya moel.

CHO.. (Lavqyavq bhaq da ilkhaol-a kev)²

Lavqyavq bhai juq ha-aq Khali jaol nail-a
kevq. Lavqyavq bhaq da ilkhaol-a kev.

2.....Yeiqsul nail aqsivq il thaq nail gailkhaol bhai,
Ngal tsao haq neq ilkhaol-a kev. Miqyail nail
ilkhaol-a ngal ya kev lai dai gailkhaol niil
khaol bhai ya tsao naol.

3.....Miltsaq nail gailkhaol bhai neq ngal maq tsao
daiq. Iqsanl bhai ngal maq tsao the. Heeqphaq
lolgov phao khi mail lovq nail ngaol. Aq il nee
mail ngal jaol lai movq.

(42)

Khali ngaq bhai tsel-u n gaol
(Ol happy Day)

s- d - r - m--- s - d- r- m--- m- f- m

Khali ngaq bhai tsel-u n gaol, ngal laqkhiq ya tsail
nail aq n, ngaq mail laqkhiq kha dai tsail nail, yaoq
gaq yaoq-ao nee ge gaiq movq-il.

CHO.. Laqkhiq tsail nail aq n niil neq, ngal oeqlbal
tsiq haol nail aq n. Yaoq n yaoq n nee laqkhiq
tsail khi geeqlaoq hal yaoq, Yeiqsul ge nail,
Laqkhiq tsail nail aq n ngal oeqlbal tsiq haol
nail aq n.

Ngal ya jel-ail dai aivq nl lavq naol. Ngal aivq nee jao
aivq ngaq-ai nee jaol. Aivq mail ge nail daoq ngal
gaiq khi aivq nail haoq nao taivq-ai ngal lai naol.

Ngaq nail neema aivq bhai bivq naol. Aivq nail laq
khoel-ai iq dao-ai jaol naol. Aivq neq ngaq bhai geeq
laoq bivq lavq. Ngal gail heeqphaq nee maq gaoq-ail.

Miq yail nee ngal sal jial jaq tavq. Yaoq-n yaoq n nee
mail ivq dao-ai jaol naol. Sil-u kev dai nee ma thaq
tsaol. Miq yail geeq laoq bhai tsiq eeq naol.

(43)

Naoq mail khul nail aqthel
(I Hear Thy Welcome Voice)

dm s-- m r d d-- d- r- r
Naoq mail khul nail aqthel, Heeqphaq ol ngal ya gaiq.
Naol aqsivq-i tsiq haol naol dai, naol ngaq bhai khul
nail ngaol.

CHO.. Heeqphaq ol lal naol, aq il nee lal naol,
Yeiqsul naoq nail aqsivq-i mail ngaq bhai tsiq
haol lavq yaoq.

Ngaq mail gaq bhaq-u bhai, naol gaq gaoq bivq lavq
yaoq. Ngaq nail oeqbal iqsanl tsiq haol khi ngal meeq
lal.

Neema thaq tsaol nia dai, Yeiqsul ngaq bhai khul-il.
Noeq thuq-nq nia nail neema jiav dai, aivq ngaq bhai
tsao jao-ai lavq.

Neema thaq tsaol khi mail jaol nail tsaol-aq iqsanl.
Yeiqsul mail bivq nail saljial-ai teevq bhee teevq lovq
ya naol.

(44)

Key,A^b

***Yeiqsul gal duq sivtavq phao lai
(Higher Ground)***

s s d m -. m r d l-. r d
1...Yeiqsul gal duq sivtavq phao lai. Aivq nail n
aivq ngal lai dav naol. Ngaq bhai bhi meeq bhi
hao lal lavq. Sivtavq phao nee geeqlaoq hal lavq.

CHO.. Miltsaq khe aol bhai ngal maq oil. Nqtavq
khe aol bhai ngal oil naol. Jaolduq aqmeeq
bhai ya jaol dai, sivtavq phao nee hevqdaiq
lavq yaoq.

2...Ngaq nail neema thaq tsaol nail phaq, Cov-ail
nia nail-a maq jaol movq ail. Yu mil khaoq bhai
jaol movq-ai bhiq gaoq. Meeq nail aqduq bhai
ngal jaol movq.

3...Khali milkhaoq nqtavq kovtavq-a, aivq nail
bhaq-aoq bhai ya moel kivq dai, nqtavq mil
khaoq-a kev lai-u kev dai, Hevq kev lavq dai
geeqlaoq hal naol.

(45)

Lolgov aqjail-ai jaol nail gaq

Key,D^b (There's A stranger at The door)

m f s- m - d - l - s--- s--- l - s

1.....Lolgov aqjail-ai jaol nail gaq, bhi aol lal Aivq
mail daoq-nq nail maoq lal-aoq nail. Bhi aol lal.
Aivq daoq-nq nail neq bhi aol lal. Aqmeeq gaq
bhai bhi aol lal. Aivq neq Miqyail nail yaq ngaol
Bhi aol lal.

2.....Naoq nail neema phao bhiq yaoq. Bhi aol lal.
Maq phao bhiq ha-aq kovq lai naol. Bhi aol lal.
Naoq nail aqtsaoq bhi aol lal. Naoq bhai bhi
jel-ail lavq naol. Naoq bhai tsulovq lavq nail
ngaol. Bhi aol lal.

3.....Aivq neq naoq bhai gaiq-a nail gaq. Bhi aol lal.
Naoq nail neema-ai ha laq yaoq. Bhi aol lal.
Lolgov daoq thaoq-ai jaol khi mail, aol lal
nail dai naoq bhai khul-il. Aivq neq naoq bhai
uvthaiq naol. Bhi aol lal.

4.....Nqtavq nee mail lee-a nail gaq. Bhi aol lal.
Aivq nee mail naol ya jaol naol. Bhi aol lal.
Naoq nail oeqlal phaiq lavq naol. Miltsaq khe
yanq jel-ail haq. Nqtavq bhai aivq nee ya jaol.
Bhi aol lal.

(46)

Neema sal lal dai Yeiqsul nee lal naol laiq
Key, A^b (Have you Been to Jesus)

m s d - d - d - s m s d - d - d -

Neema sal lal dai Yeiqsul nee lal naol laiq. Yaolyaq
nail aqsivq mail tsiq-aol laiq. Aivq mail gaiq-a nail
geeqlaoq bhai juq naol laiq. Yaolyaq nail aqsivq mail
tsiq-aol laiq.

CHO... Aqsivq mail tsiq-aol laiq. Yaolyaq nail aq
sivq mail tsiq-aol lail. Haqlaq nee maq tsil
phul jaiq dai tsiq-aol laiq. Yaolyaq nail aq
sivq mail tsiq-aol laiq.

Hevqkovq nail gaq nee khaqmao gail ail naol laiq.
Yaolyaq nail aqsivq mail tsiq-aol laiq. Khanq sil nail
gaq bhai naol juq khi jaol naol laiq. Yaolyaq nail aq
sivq mail tsiq-aol laiq.

Yeiqsul yavq kha lee nail-ai naol lavsav aoq-aol laiq.
Yaolyaq nail aqsivq mail tsiq-aol laiq. Aivq nee maq
sil teevq yeel ya jaol dai laiq-nq. Yaolyaq nail aqsivq
mail tsiq-aol laiq.

Oeqbal niaoq nail aqqaq aqdoi loev aoq-aol laiq. Yaol
yaq nail aqsivq mail tsiq-aol laiq. Maqjiivq maqcavq

nail aqgaq aqdoi doi yaoq. Yaolyaq nail aqsivq mail
tsiq-aol laiq.

(47)

Ngaq nail oeqbal tsiq haol nail
Key, G (Nothing but the Blood)

d - d - d - r - m - s - m-- d d

1...Ngaq nail oeqbal tsiq haol nail neq Heephaq
Yeiqsul nail aqsivq, Ngaq nail aqhaqlal tavq lai
nail neq Heeqphaq Yeiqsul nail aqsivq.

CHO... Meeq nail Yeiqsul aqsiv, nqdil khe-ai tsiq
phul lavq. Yaoq phaq yaoq neq maq jiav.
Yeiqsul nail aqsivq taivq-ai jiav naol.

2....Ngaq bhai hevqkovq nia nail neq, Heeqphaq
Yeiqsul nail aqsivq. Ngal meeq lal haol lal nia
nail neq, Heeqphaq Yeiqsul nail aqsivq.

3.....Ngal oeqbal nee ya jel-ail nail neq, Heeqphaq
Yeiqsul nail aqsivq. Ngaq bhai meeq lal jaq lal
nail neq, Heeqphaq Yeiqsul nail aqsivq.

4.....Ngaq bhai neesal ya nail neq, Heeqphaq Yeiqsul
nail aqsivq. Ngal tsaq lal daol lal nail neq,
Heeqphaq Yeiqsul nail aqsivq.

(48)

Ngal jaol nail bha neesal ovq nail laoljaol il.
Key, D^b (When peace Like a River)

s - s-- f - m - m--r- m- f-l- s- f

Ngal jaol nail bha neesal ovq nail laoljaol il. Noeq
haq nail eelkhaol kav lal-u. Ngaq nail sivtavq bhai
khul phaq ya phuq gaoq neq, Ngal neema neesal ya
neesal ya.

CHO...(Ngal neema, neesal ya)2 Neesal ya.

Ngal gaq bhaq dee dee gaoq neq Khali moel khi aivq
nail aqsivq mail laol lavq naol. Neivq jal mul mul nail
bha ngal ya kevq lai gaoq ngaq nail neema neesal ya
nail ngaol.

Ngaq nail oeqlbal mao gaoq neq, aivq iqsanl mail
lavqyavq kov tavq-ai, Yeiqsul phi ha. Ngaq nail
oeqlbal bhai ngal maq ya phi-il mail, ngaq nail
heeqphaq bhai tsiqeeq ga naol.

Heeqphaq ol ngal neema thaq tsaol nail bhee dai
oeqlbal iqsanl lav peivq lavq yaoq. Bhaoqlao jiiv jiiv-
ail naol yavq kha lee nail yanq. Naol laqtsail mail bhi
kev lee lavq yaoq.

(49)

*Key- D Geeqlaoq hal nail yanq
 (Sweet hour of prayer)*

d m - f s -s l t d-- l

1...Geeqlaoq hal nail yanq kev lal haq. Miltsaq nail aol neq bhi jiav naol. Aqbhu Miqyail nail sivtavq bhai ngal oil movq nail phaq oil lai naol.

Noeqhaq nail phaq jiav dee dee gaoq geeqlaoq hal-u ngal neesal ya. Neivq ngaq bhai lavcov **dai nl gaoq**, ngal geeqlaoq hal-u peivq ail naol.

2... Geeqlaoq hal nail yanq kev lal haq geeqlaoq bivq lavq nail gaq bhai hal. Aivq saljial daoq ge ai thaq nail aivq bhai hal nail gaq bhai bivq naol. Ngaq nail maivpaoq bhai hal pov khi ngaq nail geeqlaoq bhai juq nail gaq. Geeqlaoq hal nail yanq kev lal haq ngal khal loq nail-aivq bhai hal naol.

3...Geeqlaoq hal nail yanq kev lal haq. Ngaq nail neema neq laqkhiq tsail. Nqtavq ilkhaol bha ngal kev dai geeqlaoq hal khi ngal lovq ga naol. Aqsivq haqjoil nee gaoq-ail khi ivqdao deel nail kovpavq ya naol. Miqyail milkhaoq bha maq kev-u geeqlaoq hal nail niil ngal maq phaiq.

(50)

Heeqphaq Khali nail saljial bhai ngal juq naol
Key,B^b (Standing on the Promises)

s s s l s f m f s . d

1....Heeqphaq Khali nail saljial bhai ngal juq naol.
Nq maq maq luv hal yeel aivq bhai tsiqeeq naol.
Seiqleiq khaoqsail eeq nail gaq bhai tsiqeeq
naol. Miqyail nail saljial bhai ngal juq nail naol.

CHO...Juq naol juq naol hevqkovq nail gaq, Yeiqsul
nail saljial bhai juq naol. Juq naol juq naol.
Miqyail nail saljial bhai ngal juq nail ngaol.

2.....Gusil nail khi noeqhaq nail naoq bhai kev lee-u.
Maq cov-ail dai sal nail gaq bhai ngal juq naol.
Miqyail geeqlaoq daoq bhaq da nee gaq lai
naol. Miqyail nail geeqlaoq bhai ngal juq nail
naol.

3....Heeqphaq Yeiqsul nail saljial bhai ngal juq
naol. Aivq mail gaiq-a nail laqkhoel khaq mao-
ail ivqdao deel. Aq heel Miqyail hel daiq lavq-il
gaqlai naol. Miqyail nail saljial bhai ngal juq nail
naol.

4.....Miqyail nail saljial bhai juq ha-aq ngal maq
cov-ail. Aq heel Miqyail nail daoq ngal nal daiq
nail ngaol. Iqsanl ngaq bhai hevq kovq lavq-a
nail gaq-ai juq naol. Miqyail nail saljial bhai
ngal juq nail naol.

(51)

Laqkhiq tsail, Miqyail bhai tsiqeeq
(Be gled in the Lord and Rejoice)

s - s- m f s - d r m

Lavqkhiq tsail Miqyail bhai tsiqeeq. Neema aq daol
Miqyail yaq juq. Neema thaq tsaol nail juq iqsanl,
Noeqhaq noeqaoq nail livha yaoq.

**CHO... Laqkhiq tsail yaoq. Laqkhiq tsail Miqyail
bhai tsiqeeq**

Iqsanl nail kovtavq khe heeqphaq, bhaq-aoq eeq-il
mail laqkhiq tsail yaoq. Aivq nail yaq bhai hevqkovq
nia dai aivq nga dao bhai cavqcov lavq naol.

Tsaq nail laqkhoel-ai naol genl dev khi, Jal mul mul
nail naoq-ai kev lee gaoq, nqtavq gaqkhoel naoq-ai
nee jaol gaq kav nail juq bhai gaq lai naol.

Laqkhiq tsail Miqyail bhai tsiqeeq. Daoqsel gul khi
tsiqeeq gil yaoq. Dil-nvq deeq khi tsiqeeq gil yaoq laq
khiq teevq tsail tsiqeeq gil yaoq.

(52)

s - d m s - m - m r r - m -

1...Ngal noeq thuq-nq dee dee nail phaq neq, aqtsaq
aqdaol Yeiqsul teevq ngaol. Yaoq phaq yaoq juq kha
dai meeq gaoq Yeiqsul bhai taivq-ai ngal juq nail
ngaol.

CHO... Yeiqsul neq, ngaq nail lov phail ngaol.

(Yaoq phaq yaoq neq tsalhail kheel ngaol)²

2...Aivq nail maivphaoq maq ya moel gaoq aivq nail
geeqlaoq iq govq-ai ngal jaol. Lilmoel lilma bhoe lal
khi ngaol-aoq, neema thaq tsaol nail ivqdao deel.

3...Aivq nail saljial khi mail aqsivq ulcuvq eeq-u phao ngal ya jel-ail. Ngal neema cov-ail nail yanq bhai ngaq nail aqjail nee hethaiq lav.

4...Nqbho jiiv khi aivq kovq lai-u aivq nee ya jaol dai
ngal noeq thuq-nq. Aivq nail aqtsaq aqdaol dai khi
aivq nail sivtavq bhai ya jaol naol.

(53)

Yeiqsul nail aqmil bhai oil yaoq
Key, A^b (Take the name of Jesus)

s - d - m r d d - s - - l - d

Yeiqsul nail aqmil bhai oil yaoq neema neenoeq haq
nail juq. Aivq nail aqmil bhai naol juq ha-aq mal dil
neesal ya nail ngaol.

CHO... (Meeq nail Yeiqsul aqmil-ai nqtavq miltsaq
laqkhiq tsail.) 2 pov

Yeiqsul nail aqmil bhai oil yaoq neivq jal mul bhai
naol gaq naol oeqlbal naoq bhai guq jaq lal gaoq. Aivq
nail aqmil-ai geeqlaoq hal.

Aivq nail milkhaoq bha kev lai-u. Aivq bhai uqhuq
thaoq ga naol. Heeqphaq kovtavq bhai heeqphaq
ngaol. Heel uqtsaoq tsaoq-nq thaq naol.

(54)

Lovphail ngaq nail gal duq ivq
Key,B^b (Rock of Ages)

s l s - m - d l s - - d r

- 1 Lovphail ngaq nail gal duq ivq. Daoqthaoq bhai bhi jaol uvq lavq. Naol khanq sil-u khe aqsivq ngaq nail oeqbal tsiq haol lavq. Naq nail oeqbal bhai sivpeivq. Bhi meeq bhi haol-ail lavq yaoq.
- 2 Aqlavq mail nl nail ganl neq naoq bhai tsaq dai maq nl kivq. Ngal kha dai laijai khi mail, maivbhil dov dee dee lee gaoq, oeqbal jel-ail dai maq nl kivq. Naol taivq-ail bhi jel-ail lav naol.
- 3 Aqlavq bhai khul gail maq aol lavqyavq bhai taivq-ail ngal nieivq thaiq. Ngal gaq bhaq dee dee-il mail ngaq bhai gaq teevq bhee bivq lavq. Naol uvthaiq nail bhi moel lavq hevqkovq nail gaq ngaq-ai tsiq haol.
- 4 Ngal yeel gil lee nail yanq bhai ngal maivneev meiv thaiq-ga naol. Naoq nail milkhaoq-a bhi kev lavq. Naol uvthaiq nail bhi moel lavq. Lovphail ngaq nail gal duq ivq, naoq nail laqkhoel-ai bhi jaol lavq.

(55)

Khoeq nail jiovq nail ya daq gaoq neq
Key, G (faith is the victory)

m - r - d - d - t - d - r-l - t - d - -

1...Khoeq nail jiovq nail ya daq gaoq neq gaq-u Khali
yaq juq neema ivq. Aq yu juq nail naq gaiq gaiq-u
nga dao gaq ya khi laqkhiq tsail.

CHO...Gaq-u Khali yaq neema ivq sil-u kev dai aivq
bhai juq yaoq.

2...Gaq-u khe juq thaoq-nq bhai aol gaoq neema bhai
khaq sil-iq maq oil nia. Nga dao juq gail Khali gal du
khanq sil nia haq meeq dee dee naol.

3...Gaq-u Khali yaq ganl lavq khoel-ai, Meeq nail
phaq bhai yu maq oil nia. Aqtsaq aqdaol laqkhoel-ai
gaiq-a naol. Nga dao gail yu bhai gaiq-a bhel.

(56)

*Yeiqsul ngal naoq bhai gaiq-a
(My jesus I love Thee)*

d - m - - f - f - m r d- m - r - - d t d

- 1 Yeiqsul ngal naoq bhai gaiq-a naol neq heeqphaq. Ngaq nail gal duq oeqbal iqsanl livha lavq. Ngaq bhai hevqkovq lavq-a nail gaq geeqlaoq eeq naol.

CHO..Gaq-u nee maq tsil ngal naoq bhai gaiq-a naol.

- 2 Naol iqmoeq ngaq bhai khanq sil lee-al nee mail, neema laqkhoel kev dai ngal naoq bhai gaiq-a naol. Ngaq nail gal duq aqgoe dalkhaol uqtsaoq tsaoq.
- 3 Doevoq-u gaiq-a khi sil gaoq neq gaiq-a naol. Aqhaq ceiv-u kev dai naoq bhai gaiq-a naol. Nal khi sillee gaoq ngal naoq bhai khul daiq naol.
- 4 Bhaq-aoq mail tovq bhaq-ai thaq nail nqtavq milkhaoq bhai, naoq bhai nq maq maq luv hal yeel tsiqeeq naol. Heel uqtsaoq tsaoq khi ngal naoq bhai tsiqeeq naol.

(57)

Heeqphaq bhai juq khi
(At The Cross)

Key, E^b

d - m- - r d- m - s - f m - s

- 1 Heeqphaq bhai juq khi ganl nl naol. Aivq nail
daaq cavq ail naol. Aivq nail lavqyavq cavq
gaiq-ail naol ngal neq, maq haqsil mail.

CHO...Lavqyavq bhai ngal lai-u bhaq-aoq
bhaq nail ya moel naol. Ngal noeqhaq
nail iqsanl mail peivq-ail naol. Neema
thaq tsaol haq aqhaqlal ya moel naol
laqkhiq teevq tsail dai ya jaol lai naol.

- 2 Ngaq nail heeqphaq nail aqmil bhai ngal juq
khi mail jaol naol. Ngal haqsil nail neema cov
nail aivq ngaq bhai maq bivq lavq.
- 3 Aivq neq saljial ivq nail gaq ngaol. Aivq nail
daaq maq cov-ail. Ngaq mail aivq bhai khal av
bhiq nail aivq aq meeq lavsav naol.
- 4 Aqbhu nail doiqbev sivtavq bhai ngaq bhai hel
-aivq lavq naol. Yeiqlul saqlaiq aqsivq
laqkhoel-ai, ngaq bhai bhi jaol lavq naol.

(58)

***Yaoq -n yaoq-n nee ngal juq khi jaol
Key, A^b (Simply Trusting)***

m . . r . f . . m . . r . d . . d . l . d ..

1) Yaoq-n yaoq-n nee ngal juq khi jaol, gailkhaol haq
gaoq neq juq naol.ngal neema gaq bhaq gaoq neq,
ngal Yeiqsul bhai taivq-ail juq naol.

Cho...Khaq maol gail ngal aivq bhai juq , yaoq-n
yaoq-n nee aivq bhai juq naol. Khal-ul pevq lal gaoq
neq juq naol. Ngal Yeiqsul bhai taivq-ail juq naol.

2) Ngal neema gaq maq aol gaoq. Miqyail gaq gaoq
bivq lavq naol. Ngal cov-ail nail bha maq kev, ngal
Yeiqsul bhai thaivq-ail juq naol.

3) Gailkhaol haq-u geeqlaoq hal. Gailkhaol sal-u
tsiqeeq naol. Ngal gusil lal-u khul daiq, ngal Yeiqsul
bhai taivq-ail juq naol.

4) Ngal doevq-u aivq bhai juq naol. Miltsaq daoqloi
bha ke dai. Nqtavq milkhaoq bha ke dai, ngal Yeiqsul
bhai taivq-ail juq naol

Gaolkheel nail daoq nee mail
Miqyail bhai tsiqeqq nail
Daqsel



Tsiqeeq nail daoqsel aqsivq juq nail aqmil

Aqnav nail laqkhoel khe gaolkheel yaq	1
Aqthel gul khi tsiqeeq	3
Aqsal sal nail doevqyeel.....	11
Bhaq-aoq eeq nail Miqyail	29
Gaojaoq gaoq du-a dav lai khi.....	14
Geeqlaoq bhai tsiqeeq khi	18
Gaq-u nee doevoq nail Miqyail.....	19
Gail bheeq bheeq nail aqtsaoq	20
Gaiq-a nail teevq phaq jiv.....	23
Gaiq-a nail Yeiqsul	32
Heeqphaq Yeiqsul-ol geeqlaoq eeq naol.....	6
Heeqphaq Yeiqsul Khalai bhai	10
Heeqphaq kovtavq heeqphaq pevq	21
Miqyail aqmil-ai tsiqeeq naol.....	5
Miqyail-ai neema kev naol.....	8
Maq heeq maq nia gaoq	12
Miqyail bhaq da nee	30
Miqyail neq eeq nail gaq	33
Miqyail neq bhaq-aoq eeq nail gaq.....	36
Noeq-u maq dov nail heeqphaq	2
Nqhaq nq bhaq lal-u nee	9
Nil yanq-n gaol neq	15
Noeq thuq-nq duq ngaq nail Miqyail	17
Ngaq nail neema lavsav lavq	25
Nqtavq miltsaq aqgil bha la.....	35
Sil nal nail maq jia nail milkhaoq	27
Tsiqeeq	4
Tsaol meeq tsaol jaq ail nail gailkhaol.....	7

Tsiqeeq 117.....	13
Tsiqeeq khi mail laol bhiq naol.....	16
Tsaol-aq yaq nail yeel bhai	24
Tsiqeeq haqleqlulyaq	26
Tsiqeeq nail geel-nvq nail Miqyail.....	28
Tsaq naol geel-nvq naol.....	31
Yaq mal Yeiqsul	21
Yeiqsul neq heeqphaq Miqyail.....	22
Yeiqlulsaqlaiq meeq-nq aqsivq	34
Aqjail bhai jaol nail Miqyail.....	37
Meeq nail Yeiqsul.....	38
Aqmeeq meeq dai saol-nvq yaoq.....	39
Gaolkheel tsel kheel teevq kheel teevq ngaol.....	40
Yeiqsul neq eeq nail heel nail gaq ngaol.....	41
Iqsanl nail kovtavq bhai uvthaiq nail Miqyail.....	42
Naoq-i mail gaiq-a nail phaq.....	43
Khaqmao iqsanl tsiqeeq naol.....	44
Yeiqsul laqkhoel teevq mail nail teevq-eel ngaol.....	45
Doevq yeel nail gailkhaol.....	46
Laqkhiqtsail nail Khallilsilmal.....	47
Noeq moel naol aqtsaoq-ol.....	48
Heel nail Khaqnang.....	49
Khaliyaq nail ganl.....	50
Jalliq aqsivq nail aqmil.....	51
JALI.(Jalliq).....	52
Jaol meeq nail daoltavq.....	53
Naoq-ai gaiq-a naol Miqyail-ol.....	54
Thullalyaoq Gaolkheel yaq juq-ol.....	55
Naoq nail geeqlaoq naoq nail bhaq-aoq.....	56
Ngaq nail kovtavq-ai bhi bhee.....	57
Gaolkheel yaq-i mail gaiq-a nia nail phaq.....	58

Miqyail maq ngel-ail nul.....	59
Kovq ail-aiq nail aqtsaoq-ol.....	60
Ilkhaol maq bhaq nail maq ngel-ail.....	61
Yeiqsul-ai uqhuqthaoq naol.....	62
Naoq nail doiq bev sivtavq-ai.....	63
Daoltavq yaq-ai Miqyail gaiq-a naol.....	64
Aqyanq.....	65
1 n nee mail 7 n.....	66
Lavqyavq kovtavq khe Yeiqsul.....	67
Gaolkheel yaq-ai gaq bivq yaoq.....	68
Killinl killinl dai.....	69
Neema tavq khi nl bhel.....	70
Doevq yeel laoljaol.....	71
Kallilsilmal aqyanq gaoq kev lee-aoq nail.....	72
Haqleiqlulyaq.....	73
Gedaiq-u phao maq gil lai nia.....	74
Meeq daiq ga nail Miqyail.....	75
Haqleiqlulyaq Yeiqsul bhai tsiqueeq.....	76
Miqyail miltsaq yaq bhai gaiq-a naol.....	77
Nqmaqmaqluv jaolduq Miqyail milkhaoq.....	78
Seiqliq khaoqsail eeq nail Miqyail.....	79
Neesal ovq nail phaq bivq lavq.....	80
Ngaq nail aqmaol neema nee.....	81
Gul gul-ail tsiqueeq.....	82
Yeiqsul-ol naoq bhai daonq naol.....	83

(1) Aqnav nail laqkhoel khe Gaolkheel yaq

Aqnav nail laqkhoel-ai jaol nail ngaq nail Gaolkheel yaq aq yu juq gaoq haq khal haq-ail nial teevq-n nail teevq-n aqyanq juq jel-ail gil aoq nial khaq sil gaq ail khi cavq gaiq-ail heeq.

Ngaq nail Gaolkheel yaq Miqyail bhai heeq nia-ail nul-uq dai ngaq nail neema-ai al jaiq-ail noeq lal-il. Gaolkheel yaq eeq lal heeq phaq-ail teevq phaq gav nav ya nl haq neq ngaq nail teevqyeel ngal neekhaol sil naol.

(2) Noeq-u maq dov nail heeqphaq

(Noeq-u maq dov heeqphaq-ail bhaq-aoq eeq nail Miqyail-ol. Nq maq maq luv hal yeel bhaq-aoq eeq nail aqheel)²

Khaqmao kev dai laqkhiq tsail heeqphaq-ail, aivq neq bhaq-aoq theeq bhee jiav-il. Tsiqeeq tsiqheel nail Miqyail. Miqyail yaq iqsanl tsiqeeq.

(Miqyail aqmil)² Nq maq maq luv hal yeel ivq naol.

(3) Aqthel gul khi tsiqeeq

Aqthel gul khi mail Miqyail bhai tsiqeeq naol.

Moeqthaoq phao khi mail Miqyail bhai tsiqeeq naol.

Gaq bivq lavq yaoq ngaq nail Miqyail Yeiqsul.

Ngaq nail moeqthaoq Miqyail bhai tsiqeeq naol.

**CHO... (Tsiqeeq haqleqlulyaq)² Miqyail nail
geeqlaoq-ai tsiqeeq)²**

(4) Tsiqeeq

Tsiqeeq Miqyail bhai tsiqeeq, tsiqeeq, Miqyail nail
geeq laoq-ai tsiqeeq. Miqyail aivq nail yaqyov bivq
lavq-a nail ngel-i mail.

**(Aq-il neq, gaq bhaq nail juq gaq kav lal. Haq aoq
nail juq hulmeeq meeq lal. Heeqphaq Miqyail gaoq
haq lavq nail ngel-i mail)² tsiqeeq.**

(5) Miqyail aqmil-ai tsiqeeq naol

Miqyail aqmil-ai tsiqeeq naol. Tsiqeeq nail bhai
Miqyail oil movq naol. Laqkhiq tsail nail ngal teevq
yeel. Hevqkovq nail dai aivq yavqkha lee-a naol.

CHO... Nqtavq kovtavq nee yavqkha lee hevqdaiq
nail dai. Lavqyavq kovtavq-ai khanq sil lee
oeqbal aqphoiq. Lavqyavq nee mail luqdaol-
a kev. Luqdaol nee mail nqtavq-a kev.
Miqyail aqmil-ai tsiqeeq naol.

(6) Heeqphaq Yeiqsul-ol geeqlaoq eeq naol

Heeqphaq Yeiqsul-ol geeqlaoq eeq naol.
Naoq-i mail hevqkovq lavq-a nail galduq
Naoq nail geeqlaoq-ai ngal noeq meeq naol. Ngaq
nail neema danq bhiq naol.

CHO... Doeqv-u teevq yeel naoq-ai taivq-ail noeq
meeq naol. Ngaq nail aqmaol neema iqsanl.
Naoq nail sivtavq-ai danq bhiq naol.

(7) Tsaolmeeq tsaoljaq ail nail gailkhaol

Tsaolmeeq tsaoljaq ail nail gailkhaol neq haq khi
ngaol-aoq, neevsal ovq nail Miqyail bhoil-ai thaq.
Aq yu juq laiq lai gaoq sil nail dao bha maq thel
Miqyail nail aqlavq-i mail hethul lavq.

(Aqlavq-i mail haqleijklulyaq)² Miqyail nail aqlavq-i
mail hethul lavq. Aq yu juq laiq lai gaoq sil nail dao
bha maq thel. Miqyail nail aqlavq-i mail hethul lavq.

(8) Miqyail bhai neema kev naol

(Ngal Miqyail-ai neema kev khi tsiqeq-u phao
heeqphaq Miqyail-ol naol niai jaol-ail nial. N juq jaol
nail-a jaol lee yaoq doevqyeel aqsivq bivq lavq yaoq
meeq haol nail miqjaq bhi bhaol lavq)²

**CHO..Ngaq nail neema-ai thoiqtsi lavq meeq haol
nail bhaq-aoq nee thoiqtsi lavq yaoq. Ngaq
nail neema-ai thoiqtsi lav meeq haol nail
miqjaq ngaq-ai bhi bhaol lavq.**

(9) Nqhaq nqbhaq lal-u nee

Nqhaq nqbhaq lal-u nee nqtavq kov tavq khe, neesal ovq laqkhiq tsail nail ya. Gaoqjaoq gaoqdul pevq gaoq. Gavqlaovq daisal pevq gaoq, heeqphaq Miqyail nail geeqlaoq phal lal nail maq bhao.

Nqkiv hul-iq tsil lai gaoq, aqbhu Miqyail nail geeqlaoq iq govq-ai, neesal ovq laqkhiq tsail nail ya. Neema haq khi jaol gaoq, laqkhiq tsail khi jaol gaoq, aqbhu Miqyail geeqlaoq bhee lovq jaol naol.

CHO...Ol...Miqyail-ol naoq-ai taivq-ail ngal tsiqeeq naol. Aqyanq, naqli maq tsel-ail tsiqeeq gaoq maq gil lai. Yanq gaol aq-n kev dai Miqyail nail geeqlaoq eel jaol, bivq lavq nail aqheel bhai tsiqeeq naol.

(10) Heeqphaq Yeiqsul Khali bhai

Heeqphaq Yeiqsul Khali bhai neema thaq tsaol nail
gaq Miqyail nail geeqlaoq ya pevq lal, saqdaq nail
yaq nee Miqyail yaq pevq lal-aoq naol. Ngaq nail gal
duq khanq sil-a nail Yeiqsul bhaq da nee.

CHO...Miqyail yaq ya pevq-ao nail, Miqyail bhai
tsiqeeq naol. Laolkiq yaq juq maq heeq nia
gaoq neq, tsiqeeq nail aqthel gul khi Miqyail
bhai tsiqeeq naol. Nqtavq kovtavq-a
kev lai-u kev dai ngal tsiqeeq naol.

Oeqbal yaq pevq nail ngal lavqyavq bhai ya sil naol.
Lavqyavq neq oeqbal yaq gal duq. Al hai ngaol-aoq
Yeiqsul ngaq nail gal duq sil dan ngaq nail oeqbal
iqsanl Yeiqsul tsiq haol lavq.

(11) Aqsal sal nail doevqyeel

Nqhaq bhaq lal khi thul lee-u phao Miqyail nail
geeqlaoq bhaq da nee aqdaol iq govq bhai ngaq bhai
uvthaiq lavq khi doevqyeel eeq lal nail phaq bivq
lavq.

Ya ail nail gailkhaol iqsanl hevq daiq lavq yaoq.
Miqyail bhai geeqlaoq thaoq hal naol miltsaq kovtavq
bhai ngal aqdoevq ya doevq-u phao ngaq bhai
gailkhaol hevq daiq lavq Miqyail-ol.

CHO..Miltsaq kovtavq-ai doevq khi mail maqmeeq
nail phaq ya moel-u phao Miqyail nail aqlavq-i
mail ngaq bhai hethul lavq nqkivq kivq lai hul-i
tsil lai-u kev-ai Miqyail nail geeqlaoq-ai gedaiq
nail gaq ngaq nail neema-ai aqsal bhi sal lavq.

(12) Maqheeq maqnia gaoq

Maqheeq maqnia gaoq Miqyail khoel haq heeqlal nialal nail gaq pevq lal naol. Miqyail bhai juq khi mail nldav gil laivq bhel.....

Deeq teev nl teev nail naoq nail sivtavq-ai nqjaiq lilpov khe-ai phuq lee khi ngaol-aoq, Miqyail bhai juq khi mail nldav gil laivq yaoq.

CHO...Iqsanl kovtavq-ai gaq lai khi uvthaiq nail yanq kev lal-aoq nail. Nga dao juq laijai khi nl hal gil laivq bhel. Aqtsaq aqdaol lavq khoel bhai naol nldav haq neq Miqyail nail neesal ovq nail milkhaoq lavqkhoel-ai ya jaol lai naol.

(13) Tsiqeeq 117

Tsaol jeq iqsanl mail Miqyail bhai tsiqeeq gil yaoq. Tsaol tsa iqsanl mail tsiqeeq tsiqheel gil yaoq khal ul khi mail dai ngal-aq neq, ngadao bhai gaoqhaq lavq-a naol. Heeqphaq Miqyail nail daoqma saljial khaq mao-ai ivq naol.

(Haqleqlulyaq)² Haq....leiqlulyaq Haqleqlulyaq haq...haq..haq.....Haqleqlulyaq...

(14) Gaoq jaoq gaoq dul-a dav lai khi

Gaoqjaoq gaoqdul-a davlai khi Miqyail nail ganl-nl
lai bhel. Nga dao nail yeel danq bhiq khi maqmeeq
nail bhai livha khi Miq ail bhai avbhiq ga naol.

CHO...Haqnail aoqnail ya phuq gaoq nga dao nail
neema maq cov miltsaq daoqlo-a ail kev
khi geeqlaoq daoq bhai cavq gaiq-ail naol.

Goilnail gaiq-a nail teevq bhe aol Miqyail gaiq-a nail
tsaol-aq juq bhai tsuq-ail khi ngaol-aoq hethul khi
laqkhiq teevq tsail dai lai bhel teevq ga teevq gaq gaq
bivq yaoq.

(15) Niil yanqgaol neq

(Niil yanqgaol neq)² (Miqyail mail bhai-ai thaq.)²
(Laqkhiq tsail yaoq)² (Geeqlaoq-ai tsiqeeq yaoq.)²
Niil yanqgaol neq Miqyail mail bhai-ai thaq, laqkhiq
tsail yaoq geeqlaoq-ai tsiqeeq yaoq. Niil yanqgaol neq
niil yanqgaol neq Miqyail mail bhai-ai thaq.

(16) Tsiqeeq khi mail laol bhiq naol.

(Tsiqeeq nail mail laol bhiq naol. Miqyail aivq nail
ilkhaol bhai)²

Miqyail bhai danq bhiq ga naol, tsiqeeq nail mail aivq
bhai laol bhiq naol. Miqyail bhai danq bhi ga naol,
tsiqeeq nail mail laol bhiq naol.

(17) Noeqthuq-nq duq ngaq nail Miqyail

Ngal noeqhaq khi neema cov khi jaol-u,
Nqtav miltsaq iqsanl ngal phi-nq thaq nail khe-ai dul-
il. Lilmoel bhoe khi maoqaol al jaiq-ail aol lee-u ngaq
nail gaq eeq du noeqthuq-nq duq dai,

CHO..Aqbhaq aqnav ngaol neq ul.... Nqjaiq lilmoel
bhoe lal gaoq neq, ngal gaollel daiq-u phao ngal
noeqthuq-nq du ngaq nail gaq eeq duq ngaq nail
Miqyail.

(18) Geeqlaoq bhai tsiqeeq khi

Geeqlaoq bhai tsiqeeq khi lolgov bhai aol lai bhel,
tsiqeeq khi lolgov bhai aol lai. Yanqgaol neq Miqyail
mail bhai thaq nail aq-n pevq naol. Bhai-aiq thaq nail
aq-n bhai bivq lavq-i laqkhiq tsail.

(Nga dao laqkhiq tsail)²

Bhai thaq nail aq-n bhai bivq lavq-i laqkhiq tsail.

(19) Gaq-u nee doeinq nail Miqyail

Gaq-u nee mail doeinq nail Miqyail niil-aq-il kev
dai doeinq jaol nail Miqyail ngaol. Tsaol-aq yaq noeinq-u
maq dov dai nl niiav nail gaq, miltsaq yaq aivq bhai
tsiqeeq gil yaoq.....

Heeqphaq kovtavq heeqphaq eeq nail gaq,
khaqmao kev dai neesal bivq niiia nail Miqyail. Tsaol-aq
yaq aivq bhai tsiqeeq tsiqheel yaoq. Ol..goil gaiq-a nail
teevq bhee teevq lovq bivq lavq....

CHO..Oeqbal yaq bhai gaoqhaq gai-aq nail Miq yail
heeqphaq pevq gaoq ngaq bhai gaiq-a nail
ngel-i lavqyavq kovtavq-ai kha thul nail,
aivq ya daq, sil nail laqkhoel-ai aivq ya daq...
ngaq nail gal duq.

(20) Gailbheeq bheeq nail aqtsaoq

Aqnav nail gailkhaol kovtavq-ai gailbheeq bheeq nail aqtsaoq-ol, aq-n aqyanq aivq nail-n aivq jel-ail-aoq nial. Aqnav nail gailkhaol gail tsil-ai aq tsaoq naol ya moel-u phao laqtsail mail aqbhaq bha kovq dov lal yaoq.

CHO... Aqtsaoq-ol maqnoeq maqdul dai thaq jaol, teevq gaq nail oeqbal teevq gaq phaiq khi iqsanl mail nga dao oeqbal noeqpov bhel heeqphaq Yeiqsul yalkhaq dal lee-aiq naol.

Yeiqsul nvqpov teevqpov yavq kha lee-u phao, milkhaoq yaq-ai yalkhaq dal khi hevqkovq naol. Aq-u n gaol nga dao nail aqhaqlal neq khul dao bhai ya ail nail dai saol-nvq yaoq.

(21) Yaqmal Yeiqsul

Ngaq-ai mail mav-ail gaiq-a nail yaqmal Yeiqsul sil-u kev dai ngaq nail gal duq khanq-a nail. Aivq nail bhailgail bhai aqsivq il dovl leevq ngaq nail gal duq sil dan yaqmal Yeiqsul.

Ngaq nail oeqbal meeqlal haollal nail gal duq haitsoe-i mail aivq bhai tavqthaiq khi mail. Aivq nail bhailgail bhai geeqkhaoq malbavq daol ngaq nail gal duq sil dan yaqmal Yeiqsul.

CHO//Geeqlaoq eeq naol Yeiqsul-ol, geeqlaoq eeq naol Yeiqsul-ol, geeq laoq eeq naol Yeiqsul-ol,
(Haqleiplulyaq) Aq miq.

(22) Yeiqsul neq heeqphaq Miqyail

Yeiqsul neq, haqleiplulyaq, heeqphaq Miqyail, haqleiplulyaq, sil khi mail doevq pov lai thaq nail heeqphaq Miqyail, Yeiqsul Khali neq heeqphaq Miqyail dai milkhaoq yaq bhai ge gaiq .

(23) Gaiq-a nail teevq phaq jiav-il

Gaiq-a nail teevq phaq jiav, ulcuvq khe-ai maq ceiv
lai bhoiqjuq aqkheel kheel nail khe-ai teevq gaq teevq
gaq gaiq-a khi sivtavq phao lai-oq dai khoel lavq-a
nail haol nail Miqyail sivtavq phao hevq hav-ail lavq.

Cavqgaiq cavqgaiq-ail geeqlaoq daoq-ai cavqgaiq
njaiq lilmoel bhoe lal gaoq maq gusil ngal cavqgaiq-
ail naol Miqyail nail geeqlaoq daoq Yeiqsul aqmil-ai
goil gaiq-a khi ngal cavq-ail naol.

CHO//Geeqlaoq daoq phi khi Gaolkheel tsaol jeq-e
jaol nail-a ngal cavq gaiq lai naol haqnail aoqnail ya
daq gaoq gailkhaol niil khaol-ai maq khaoq-nq ha,
Laqbheeq meeq-nq, Man meeq-nq, Lal-aol meeq-nq-
ai jaol nail Gaolkheel tsaol jeq-e nail gal duq ngaq
nail teevq yeel danq khi geeqlaoq daoq cavq-ail naol.

(24) Tsaol-aq yaq nail yeel bhai

Tsaol-aq yaq nail yeel bhai aqdoevq doevq khi jaol-u phao haqnail aoqnail iqsanl ya daq naol. Nga dao-i noeq-ai thaq nail aqjail nee ya eq-ail-u phao Miqyail aqmil-ai khaqmao-ail khul daiq.

Povlal phallal nail nqtavq miltsaq niil khe-ai neema lavq khoel-a gaqdoil doil dee dee-u phao, Nga dao-i noeqhaq nail iqsanl ya jel-ail nail gal duq Miqyail aqmil-ai khaqmao-ail khul daiq.

CHO// Nga dao-i loq nail iqsanl Miqyail bivq lavq naol, nga dao-i ya ail nail gailkhaol iqsanl Miqyail gaq bivq lavq, Miqyail geeqlaoq nga dao-ai khamao-ail kev khi mail Miqyail neq nga dao-ai bivq lavq naol.

(25) Ngaq nail neema lavsav lavq

(Ngaq nail neema lavsav lavq yaoq ol aqbhu aqsivq sivq deel neema bivq lavq yaoq.)²

CHO// Heeqphaq nail sivtavq nee thaq bhi dov-ail lavq neema aqhaqlal thaq oil kovq lavq. Eeq lal heel lal-u khe-ai hevqkovq lavq-il mail laqkhia tsail naol aqsivq sivq deel neema bivq lavq yaoq.

(26) Tsiqueeq haqleiqlulyaq

Yeiqsul Miqyail hevqkovq nail gaq, aivq nee jaiq nail teevq gaq iq sanl maq jaol. Meeqnail haolnail Miqyail ngaol, aivq bhai taivq-ail nga dao tsiqueeq gil bhel.

CHO// Tsiqueeq haqleiqlulyaq, haqleiqlulyaq, Tsiqueeq nail geel-nvq nail gaq, haqleiqlulyaq, haqleiqlulyaq
Yeiqsul neq Tsiqueeq nail geel-nvq nail gaq.

Ge daiq-u phao maqgil lai nail, nga dao mail ya-ai thaq nail kovpavq neq, aqphoiq bhaos dai tsiqueeq yaoq, Miqyail neekhaol sil nail phaq pevq naol.

(27) Sil nal nail maq jiav nail mikhaoq

Miltsaq kovtavq-ai nga dao aqdoevq doevq nail niil neq, ulcuvq moiqkhioiq khe-ai nga dao dul nail ngaol.

Miltsaq kovtavq-ai nga dao gaqnaq duq maq jiav-ail daq-i khei-ai dul nail ngaol.

CHO.// Yeiqsul-ai neema thaq tsaol havbhoel khi jaol-u phao, nqtavq Miqyail milkhaoq-a ya jaol lai nail ngaol. Jaolduq al duq-a kev-u phao sil nal nail maqjiav, nq maq maq luv ya doevq naol.

(28) Tsiqeeq nail geel-nvq nail Miqyail

Bhaq-aoq eeq nail Miqyail uqhuq thaoq naol, naol khe-ai meeq nail teevq gaq-ail maq jaol.

Neesal bivq nail heeqphaq Miqyail tsiqeeq nail geel-nvq nail Miqyail gul khi tsiqeeq heeqphaq nee ngal jaol movq-ail nial, bhaq-aoq eeq nail Miqyail tsiqeeq ga naol, naol khe-ai meeq nail teevq gaq-iq maq jaol

(29) Bhaq-aoq eeq nail Miqyail

Bhaq-aoq eeq nail Miqyail neq tsiqeeq nail
geel-nvq naol, aqlavq bavq dil khi uqhuq thaoq, meeq
haol nail naoq nail aqmil.....

Bhaq-aoq eeq nail Miqyail neq tsiqeeq nail
geel-nvq naol, aqlavq bavq dil khi tsiqeeq naol, meeq
haol nail naoq nail aqmil.....

CHO// (Bhaq-aoq eeq nail Miqyail, noeq-u maq dov
nail phaq nl nail, Miqyail naol khe-ai maq jaol
Miqyail naol khe-ai maq jaol.)²

(30) Miqyail bhaq da nee

Aqdaol ivqgovq-ai bhi jaol lavq yaoq, tsu jaol lavq,
Miqyail nail bhaq-aoq-i mail.

CHO// Nqjaiq lilmoel iqsanl kha dai bhoe gaoq, Miqyail
naoq-ai nee mail bhi jel-ail lavq, Miqyail iqsanl bhai gaq
lai nail gaq, Miqyail bhaq da nee neesal ovq naol.....

Aqdaol ivqgovq-ai bhi jaol lavq yaoq, haq aoq nail
yanq, Miqyail ngaq-ai hevq jel lavq.

(31) Tsaq naol geel-nvq naol.

(Tsaq naol geel-nvq naol)² naol doiqbrev kovtavq-ai jaol nail tsaq naol .)²

(Tsaq naol geel-nvq naol)² naol yalkhaq dal tsaq naol geel-nvq naol.)²

Khaq sil gaq naoq-ai noeqceiv tseq nail, khaq sil gaq naoq-ai khaoq-nq ha nail.

Miqyail naol doiqbrev kov tavq-ai jaol khi joiq jaq nl nail tsaq naol, heeqphaq juq uvthaiq nail nee maq tsil bha-aoq eeq nail gaq uvthaiq nail tsaq naol geel-nvq naol.

(32) Gaiq-a nail Yeiqsul

*Gaiq-a nail Yeiqsul naoq nail sivtavq-ai aqmaol, neema aqhaqlal iqsnal mail, naoq nail nee gaiq-a sivtavq-ai ngaq nail tsaol jeq-e gal duq naoq nail aqlavq-ai n juq av bhiq naol.....

**Heeqphaq Yeiqsul-ol, gaoq haq gaiq-a lavq luq-ail nail seil-ail khe gaikhaol kovqtavq-aiq noil noil ail jaol nail juq ngaq nail tsaol jeq-e gal duq doeinq nail aqhaqaqlal ulcuvq naol bivq kevq lavq

Bridge:...Naoq-i gaoq haq gaiq-a nail bhai heeq nia khi naoq nail daoqsel gul gul-ail tsiqeeq nia dai , Ol... naoq-i hevqkovq nail phaq bhai moel haol nia khi naoq nail aqmil-ai khul khi tsiqeeq nia dai, Ol.....

CHO: Ngaq nail Yeiqsul-ol, naol gaoq haq gaiq-a khi mail ngaq nail tsaol jeq-e kovtavq-ai naol hel daiq lavq, Ol...gaiq-a nail Yeiqsul-ol, meeqnail haolnail Miqyail-ol, naoq nail neegaiq-a lavqkhoel-ai naol hevqjil lavq naoq bhai ngal tsiqeeq nia dai.....

(33) Miqyail neq eeq nail gaq

1) Nqtavq bhai ngal hel daiq-u Miqyail bhaq-aoq mail bhee nail. Gaoqjaoq gavqlaovq iqsanl Miqyail-i teivq-ai thaq naol. Miqyail mail teivq-ai thaq nail phaq ge daiq-u maq-gil dai jiavq naol. Niil juq bhai ngal noeq daiq-u. Miqyail neq eeq nail gaq

CHO... Al bhhaq da Miqyail bhai tsiqeeq naol. Yeiqsul neq Miqyail hevqkovq nail gaq. Baq-aoq gail teevq bhee aol nail. Aqlaqphal khi, Aolmeiqgal. Baq-aoq eeq nail aqlavq. Niil juq bhai ngal hel daiq-u Miqyail neq eeq nail gaq..

2) Miltsaq nqtavq iqsanl mail Miqyail-i teivq-ai thaq naol Nlma, bha la, aqgil gail miltsaq-ai tovq bhaq-ai thaq naol. Aq yu juq ail nail gailkhaol aqyanq tsaq dai ail naol. Niil juq bhai ngal hel daiq-u Miqyail neq eeq nail gaq.

(34)Yeiqlul saqlaiq meeq-nq aqsivq

1) Maivqneevq maq moel naqkhaol gail maq gaiq. Meeq nail jaq nail aqeivq maq ya moel daiq. Yeiqsul Miqyail nail sivtavq bha kev lai-u. Maivneev moel haol lal naol Yeiqlul saqlaiq meeq-nq bhai.....

CHO...Laqkhiq tsail daoqsel gul haqleiqulyaq tsiqeq naol. Neesal ovq nail milkhaoq bha ngal kev lai-u. Neenoeq haq nail maivbhil sivq gee lavq naol. Tsaol haol juq nee jaol naol .Yeiqlul saqlaiq meeq-nq bhai.....

2) Aqkhil maq tsao nia dai jaol nail ju daoq maq ge nia nail juq daoqsel gul naol. Miltsaq kovtavq khe neenoeq haq nail juq, daoqsel gul khi jaol naol Yeiqlul saqlaiq meq-nq bhai.....

3) Khiltsuq lavqtsuq juq neema cov gaoq. Maivpahaoq maq meeq-ail khi neenoeq maq dov-u. Miqyail bhai neema thaq tsaol khi jaol haq. Iqsanl bhee lovq lal naol Yeiqlul saqlaiq meeq-nq bhhai.....

(35) Nqtavq miltsaq aqgil bha la

1) Nqtavq miltsaq aqgil bha la bhai thaq nail gaq. Doeveyeel gail bivq-ai lavq thaq nail Miqyail. Nq tavq kovtavq-ai uvthaiq khi maoq-aol nltsal bhai di lavq eeq nail Miqyail nail geeqlaoq-ai tsiqeeq yaoq

CHO.. Ol.. laqkhiq tsai heeqphaq laqkhoel-ai, ol... laqkhiq tsail yaoq-n yaoq-n nee tsiqeeq naol, naoq nail aqmil-ai ngal teevq yeel. Haqleqlulyaq thaoqphoiq deeq tsailail tsiq khi bhoeloe niu niu ail tsiq eeq. Haleiqlulyaq Miqyail neq bhaq-aoq eeq naol.

2) Neesal ovq nail gail bivq lavq. Laqkhiq tsail nail gail bivq lavq Miqyail nail geeqlaoq bhai tsiqeeq tsiqheel. Tsiqeeq nail daoqsel gul khi Miqyail bhai tsiqeeq gil yaoq aqmaol neema iqsanl mail aivq-ai av bhiq naol.

3) Teevq pov ga-nav jaq nail maq jiav-u, teevq pov ga nav daol nail maq jiav-u,. Bivq lavq nail Miqyail nail geeqlaoq-ai noeq moel. Nqtavq khe bhail nail kaivq-avq neq yanq tsaq dai kha nail maq bhao-ail. Al juq neq ngaq nail gal duq gaq pevq naol.

(36) Miqyail neq bhaq-aoq eeq nail gaq

1) Meeq nail milkhaoq niil niai hel daiq-u. Noeq maq dov nail bhaq-aoq mail teivq-ai thaq-il. Nq tavq, nqdil nqjaiq aqthel gail. Miqyail nail bhaq-aoq salkhil ngaol. Keivq-avq, ovtsil gail daoqsel gul khi Miqyail bhai tsiqeeq gil naol. Gaoqjaoq lilmoeil aqthel bheeq bheeq dai. Gavqlaovq laoljaol saqsaq-ai il...

CHO. Ngaq nail neema Miqyail bhai tsiqeeq.

Miqyail neq bhaq-aoq eeq nail ngaol....

Ol ngaq nail neema Miqyail bhai tsiqeeq
naol. Miqyail neq bhaq-aoq eeq nail ngaol..

2) Yeiqsul Miq yail miltsaq yaq bhai, Gaiq-a nail ngel-i mail lavqyavq kov tavq-ai aivq nail aqmaol laol bhiq lee khi mail oeqlbal aqphoiq khaoq ceiv lee.
Yeiqsul Miqyail miltsaq kovtavq-ai. Bhaq-aoq teevq bhee oil khi yavq kha lee-u. Ngaq nail neema laqkhiq teevq tsail dai. Aivq bhai tsiq-eeq haqleijklulyaq.

(37)Aqjail bhai jaol nail Miqyail

Jiav nail phaq maq bhi cov-ail dai aq meeq-ai gaiq-a
khi lavsav bhel. Gaoq-ail ha, peivq-ail ha, nga dao
gaoq haq-ail nial. Naoq nail pevq nail ngaol.

Maq jiav nail phaq nga dao jiav lal dai, noeqthuq-nq
khi iqmoeq phao lai bhel. Noeqthuq-nq thaq nail phaq
nga dao ya lal dai, Miqyail-ai geeqlaoq hal yaoq.

CHO..Noeqthuq-nq-ai thaq nail noeqthaq-ai thaq nail
noeq cov-ai thaq nail-a ngal lai kev naol Miqyail bhai
nga dao juq khi mail, Miqyail bhai juq ha, Miqyail
bhai hal haq, Miqyail naoq bhai hevqkev lavq naol.
Naoq-nail aq jail-ai bhai jaol lavq naol.

(38) Meeq nail Yeiqsul

Yeiqsul meeq nail Yeiqsul, Yeiqsul aqmil al mil, oeq bal laqkhoel-ai doevq nail tsaol-aq neq, Yeiqsul nail aqmil maq ngel nail neq, maq jel-ail nia-ail.

Oeqbal cavq nail oeqbal, oeqbal bhi cov-ail nail phaq, miltsaq kov tavq-ai doevq nail tsaol-aq juq, oeqbal lavq khoel-ai taivq-ail ganl nl movq nail ngaol.

CHO...Miltsq kov tavq-ai niil heeq neq, oeqbal taivq-ail bhee nail ngaol. Miltsaq kov tavq-ai niil heeq bhai, neivq saqdaq taivq-ail uv thaiq movq-il Yeiqsul nail aqsivq, Yeiqsul nail bhaq-aoq, maq ngel nail neq, Yeiqsul aqmil kov uvq nee taivq-ail gaq lai nia naol.

(39) Aqmeeq meeq dai saol-nvq yaoq

Gaiq-a nail aqtsaoq juq ol, aqmeeq meeq dai nal daiq yaoq dei, maivkhaoq tseqma bavq khi mail yalgaol nl nail taivq-ail thaq saol-nvq miltsaq kov tavq khe ganl neq, khamaoq iq sanl nl gil nail maq bhao-ail, al bhaq da nee naoq nail haqbhoil khul nail noeqthaq-nq phaq jiav.

Nqtavq Miqyail milkhaoq, neesal ya nail jaolduq bhai lavq khiq teevq tsail ya jaol lai dai Jalliq nail daoq bhai nal dai, noeqhaq nail phaq maq jiav, khamao iq sanl neesal ya nail, al bhaq da nee naoq hail haqbhoil, nqtavq bhai noeq thuq-nq nail jiav.

CHO.....Kha dai hal pov khi ngaol-aoq maq lovq nail tsaol-aq yaq nail neekhaol neq, naoq nail lavq khoel jiav nail phul heel juq-i mail doevq nail aqhaqlal maq ul kivq-ail.

(40) Gaolkheel tsel kheel teevq kheel teevq-eel ngaol

Daoltavq gaoq jaoq-ail yalgaol nl jaq nail meenq bhai jaol khi nl jaq nail nga dao Miqyail yaq theq nail maq ngel, jeq lal maoq lal khi mail jaol bhee gil-ai thaq.

CHO..Lal-aol meeq-nq bhai iq sanl jaol bhee ail thaq khi, meeq-nq Thaq-aiq meeq-nq bhail iq sanl jaol bhee-ai thaq khi, Laq bheeq meeq-nq bhai iq sanl jaol kev-ai thaq khi, Man milkhaoq bhai yaoq dao yaoq nee jaol.

Naol neq, Laiqpuv ngal Gaolkheel dai tselpav bhoilpav nail maqbhao, Gaolkheel tsel kheel neq, teevq kheel teevq ngaol, mailnail jil khi Miqyail khaoqsail bhi jiav naol.

(41) Yeiqsul neq, eeq nail heel nail gaq ngaol

Yeiqsul eeq nail heel nail gaq ngaol. Ngaq dao bhai neesal bivq nail gaq ngaol. Nga dao nail yeel nee aivq bhai taivq-ail tsiqeeq bhel. Moeqthaoq nee tsiqeeq bhel, aqlavq bavq dil khi tsiqeeq bhel, lamu nioi nioi-ai eeq nail Miqyail tsiqeeq.

CHO...Haleiqlulyaq, haleiqlulyaq meeq haol nail Miqyail nga dao juq tsiqeeq bhel. Yaoq gaq yaoq nee mail eeq nail Miqyail tsiqeeq.

Yeiqsul khaoqsail eeq nail gaq ngaol. Aivq nail lavq khoel-ai bhaq-aoq aol naol. Nga dao nail yeel nee aivq bhai taivq-ail tsiqeeq bhel. Neema lavqkhoel nee tsiqeeq bhel, neema lavq khoel nee tsiqeeq tsiqheel bhel, heeqphaq Miqyail nga dao juq tsiqeeq bhel.

(42) Iqsanl nail kovtavq bhai uvthaiq nail Miqyail

(Iqsanl nee maq tsil meeq nail aqmil. Iqsanl nee maq tsil eeq nail heeqphaq. Iqsanl nail kovtavq-ai uvthaiq nail Miqyail

Yaoq phaq yaoq nee maq tsil naoq nail aqmil-ai
tsiqeeq naol.)²

Meeq nail aqmil, eeq nail heeqphaq gul khi tsiqeeq,
iqlsanl nail kovtavq-ai uvthaiq nail Miqyail naoq nail
aqmil-ai tsiqeeq heeqphaq kov tavq Miqyail aqmil.

(43) Naoq-i mail gaiq-a nail phaq

Naoq-i mail gaiq-a nail phaq-ai ngal teevq pov hel
daiq-u...Naoq-i mail neema tsaq nail phaq nl-u..

Naoq-ai nee ngaq nail aqmaol tsiqceiv daiq-u phao
ngaq nail aqmaol aqphoiq ma bhao lao thaq-il..

Cho...Ngaq nail aqmaol aqhaqlal nee, naoq bhai ngal
tsiqeeq movq naol. Ngaq-i mail tsiqeeq nail yaoq
daoq yaoq-ao nee Miqyail-ol naoq nail sivtavq-ai haol
taiv dai bhi pevq lavq.

(44) Khaqmao iq sanl tsiqeeq naol

Heeqphaq kov tavq heeqphaq pevq, heeqphaq
Miqyail teevq gaq teevq-eel ngaol. Nga dao juq yaoq
gaq yaoq nee aivq bhai taivq-ail tsiqeeq gil bhel. Maq
ge gil tsaol geeqlaoq, maq thail gil tsaol nail geeqlaoq
tsiqeeq.....

Miltsaq niil heeq-ai aivq bhai khi, nga dao bhai bivq
lavq-a naol. Aivq-i mail gaiq-a nail phaq bhai ge
daiq-u maq ge gil tsaol khaq mao iq sanl...tsiq eeq.

Haqleqlulyaq Miqyail bhai tsiqeeq heeqphaq bhai
tsiq eeq bhaq-aoq eeq nail Miqyail...hol.....ngal
doevq-u phao, sil-u kev dai tsiqeeq naol.

(45) Yeiqsul lavq khoel teevq mail nail teevq-eel ngaol

- 1).... Nlma dovkhoeq phao jiav nail meeq-nq ma miltsaq bhai, Meelkheel meeq-nq lavq khoel-ai jiav nail, Sullul-nl jul gu bhai jaol nail nv juq mail nail juq, daoq tsaoq phuq khi daoq ge tsaoq lal-a naol.
- 2).... Nlma dov khoeq phao jiav nail Meenlkhaq miltsaq bhai jaol nail Gaolkheel yaq juq-ol, Sul mil ol nee aqceevq ge haq teevq mail nail teevq-eel ngaol. Neema teevq dao tavq khi nl laivq bhel.
- 3).... Maq heeq kivq lal-u phao neq, haqsil lal-ail nial heeq lal-u phao, yovq gavq nail jeq-e tsaol phaq maq heeq tsaol tsa nal daiq u phao, teevq phaq yaq teevq mail nail teevq-eel nial
(Yeiqsul laqkhoel-ai teevq mail nail teevq-eel ngaol.)

(46) Doe~~v~~qyeel nail gailkhaol

Eeq nail heel nail bhai khaonq ha khi, niaoqjal
laoqkhaiq bhai aivq doe~~v~~q lee.... coevq jieiv jieiv nail
nqkiv teevq kivq bhai tsaol-aq yaq bhai oe~~q~~bal nee
bhi jel-ail dai bhao doe~~v~~q lee.....

Tsaol-aq yaq nail yeel oe~~q~~bal laqkhoel-ai gailkhaol
gailbhee~~q~~ bhee~~q~~ khi mail jaol-u hevqkovq nail dai
aivq yavqkhe lee tsaol-aq yaq iqsanl mail bhai
Miqyail gaiq-a naol....

Cho... Doe~~v~~qyeel nail gailkhaol bivq lavq, tsaol-aq
yaq nail haq bhoil...nga dao bhai gaiq-a nail gaq
Yeiqsul.... Haqnail aoqnail daq khi aivq bhao doe~~v~~q
lee nga dao nail neema bhai havbhoel bhel... Ye~~i~~qsul
bhao doe~~v~~q lee-aoq nail maq nioil peivq lee nail
diqsiqbhaq....

(47) Laqkhiq tsail nail Khallilsilmal

la..la...la...la..

Heeqphaq Yeiqsul doevq lee nail aqyanq kev lal-aoq

nail..Miltsaq kovqtavq-aiq Miqyail mail bhi lee...

Goilgaiq nail miltsaq kovqtavq-ai bhi bhee lal daiq

yaqnuq Yeiqsul neq niil-aq-il bhao doevq lee...

la..la....la..

Cho... Teevq kovq nee teevq kovq ya jel-ail gaoq
Meiqsilya bhai havlavq khi mail Yeiqsul mail bhao
doevq lee thaq nail niil yanq bhai.... ul.... tsaol-aq
yaq-i mail noeqthunq-ai thaq nail Heeqphaq Yeiqsul
bhao doevq lee-aoq nail laqkhiq tsail nail aqyanq
khallilsilmal kev lal-aoq nail..

Bhailleiq meenq bhai Yeiqsul bhao doevq lee-aoq nail
aqgil gil ma gailkhaol hevq daiq lavq... Miltsaqyaq
juq-ai oeqlbal nee mail hevqkovq nail gaq yaqnuq
Yeiqsul neq niil-aq-il bhao doevq lee.....

(48) Noeqmoel naol aqtsaq-ol

Goil nail gaiq-a nail nee gaiq-a laqkhoel-ai, Miqyail nail Jalliq saol oil (nal daiq) khi ya moel tavq-a nail gaiq-a nail aqtsaoq juq nee yanq gaol niil yanq bhai kovq lai nail aqyanq gail kev lal-aoq nial...

Laqkhiqtsail naol gaiq-a nail aqtsaoq juq-ol teevq yanq taivq-ail ya moel tavq gaoq.... neema bhai neq khaqmao kev dai teevq yeel aqtsaoq ngaol, neekhaol sil naol Miqyail geeqlaoq bivq dei-eiq...

Cho... Milkhaoq eq-ail gaoq teevq gaq teevq gaq noeq kev dei.. maq ya moel gaoq geeqlaoq hal kev nail lavqkhoel khaqmao-ail.....heeqphaq Miqyail nee mail tsaoq-aq yaq-i mail noeq-u maq dov nail geeqlaoq juq teevq bhee ya nia dei-eiq..
(Heeqphaq Yeiqsul geeqlaoq bivq dei-eiq...)

(49) Heel nail Khaqnq

Noeqthunq-ai thaq nail sivtavq phao, meeq nail
haol nail ngaq dao nail doevq yeel.... Miqyail-i mail
hevqkovq-ai lavq thaq nail nee tsao dol-aivq nail bhai
Miqyail maq oil movq....

Miqyail nail daoq bhai nal daiq khi, neivq
saqdaq bhai nga dao gaq lai bhel.... luq-ail nail seil-ail
nail-a teevq yeel maq kev-ail dai Miqyail nail khul
thel-ai nga dao nal daiq khi.....

Cho.... Noeqthunq-ai thaq nail heel nail
Khaqnq....ol..nga dao aol lai khi jaol nail aqyanq...
kev lal-aoq nail laijai khi lai bhel Miqyail nail saljial
bhai maq nioil peivq.....
Khaqnq meenq bhai aol kev lai dai Miqyail nail
bhaq-aoq nee gailkhaol hevq daiq lavq naol....
maqmeeq nail neivq jiivq neivq cavq khaonq ha,
Miqyail mail bhi ail lavq nail gailkhaol bhai ngaq dao
nail yeel danq khi aol kev lai naol...

(50) Khaliyaq nail ganl

(Geeqlaoq hal, Jalliq ge, noeq daiq khi aq meeq-ai gevq thaq-ai Miqyail nail haoqnao tsao the)² goil gaiq-a nail phi khi tsao the...

(51) Jalliq aqsivq nail aqmil

Maqthaiq, Maqkul, Lulkaq, Yaolhaq, Gaqkhoel juq Lolma, 1Gaol 2Gaol, Gaqlaqtil, Eilphai, Phillilpiv, Gaollaolsail, 1Theilsaq 2Theil, 1Til 2Til, Tiltuv, Phillilmoq, Heiqbhail, Yaqkov, 1Bheiq 2Bheiq, 1Yaol 2Yaol 3Yaol. Yul dav, Phaodaiq haoqgavq.....

(52) JALI (Jalliq)

(J A L I Jalliq eeq nail Miqyail haoqgavq, Miqyail nail daoq Yeiqsul nail ganl J A L I Jalliq...)⁴

(53) Jaolmeeq nail daoltavq

Jaol meeq dee dee nail n juq daoltavq bha teevq
pov nal ga lal-oq dai aq-ivq jaqbheq juq bhai daoq
tsaoq phuq naol.....

Gaoqjaoq aqeiv meeq dee dee-u Miqyail-i bhai-
aiq thaq nail bhai noeqmoel lee-il, haqtsoiq jaiqyaq
juq iqsanl Miqyail-i mail bhai-ai thaq nail jaiqyaq...

CHO... Ul tseq-iq dai tsil-aq yaq gul nail aqthel-i
gaiq-il Miqyail bhai tsiqeeq-u geenvq nail phaq ngal
ya-ai thaq....

(54) Naoq-ai gaiq-a naol Miqyail-ol...

Ngaq nail neema naoq bhai tsiqeeq tsiqheel ga
naol, ngaq nail aqhaqlal naoq bhai taivq-ail tsiqeeq
naol. Naol ngaq tsaoq uvq duq lovphail pevq nail
ngaol khaqmao iqsanl ngaq bhai hel daiq phail naol..

CHO : Ol...Miqyail-ol ngaq nail neema naoq ai taivq
gaiq-aol Miqyail-ol ngaq nail aqhaqlal naoq-ai
danq naolngal naoq bhai juq khi naoq bhai ev/juq
ga nao ngaq nail teevq yeel naoq bhai taivq-ail danq
bhiq naol...

(55) Thul lal yaoq Gaolkheel yaq juq-ol...

Daoltavq-ai jaol nail nga dao Gaolkheel yaq juq khi
mail meeq-nq bhai jaol nail nga dao Gaolkheel yaq
Miqyail gaoq ha nail ngel-i Miqyail geeqlaoq bhaq da
yanq-n gaol aivq nail yaq pevq lal-aoq naol.

Miqyail yaq pevq nail khe-ai Jalliq phal doiq ge khi
aivq nail daoq bhai nal daiq yaoq Miqyail nail goil
gaiq-a nail Miqyail nail neenoeq bhai nga dao laijai
khi tsao the khal-aivq bhel....

CHO: Thul lal yaoq nga dao Gaolkheel yaq iqsanl
mail yanq-n gaol Miqyail nga dao bhai khul nail
ngaol. Miqyail nail seiq leiq khaoq sail, Miqyail
milkhaoq gal duq ngadao laijai khi nl dav bhel.

Maqtsaq maqjil lai nail neema maqtavq lai nail iqsanl
mail bhai khaonq ha yaoq..... tavqlai jillai nia dai
neema teevq dao-ai tavq dai nga dao sivtavq phao
aqlavq cavq khi nl bhel..

(56) Naoq nail geeqlaoq naoq nail bhaq-aoq

Naoq nail sivtavq-ai ngal aol lal khi
Ngaq nail neema naoq-ai av bhiq naol
Naoq-i mail gaiq-a nail phaq ngal hel daiq moel gaq
Naoq nail geeq laoq naoq nail bhaq-aoq juq

Cho:..Nqtavq yaq khi miltsaq yaq juq yaoq gaq yaoq
ao nee naoq-ai taivq-ail tsiqeeq iqsanl nail kovtavq-ai
heeqphaq pevq Haqleiplulyaq tsiqeeq geel-nvq
Haqleiplulyaq tsiqeeq.....

(57) Ngaq nail kovtavq-ai bhi bhee

Ngaq nail kov tavq-ai bhi bhee naoq nail daoq jiavq
nail khe-ai naoq nail saljial bhaq da nee ngal aqdoevq
doevq-u phao. Ngaq nail neema naoq-ai halpov
tsaqnail daolnail naol pevq naoq nail daoq ma saljial
juq ngaq nail kovtavq-ai bhi bhee.....

Naoq nail aqsivq mail ngaq bhai ul kovq lavq, ngaq
nail moeqthaoq naoq bhai tsiqeeq, neesal bivq nai
Miqyail naol bhaq-aoq eeq dei...khaqmao sanl mail
heldaiq phail lavq.....

(58) Gaolkheel yaq-i mail gaiq-a nia nail phaq

Sulmilol nee aqceevq ge haq teevq bhu khi mail teevq
ma nail yaq naol khul dai noeq khi ngaol neq
Heeqphaq Miqyail nail sivtavq-ai aqivq khi jaqbheq
ngaol nuljuq-ol....

Goil nail gaiq-a nail khaq mao-ail teevq gaq khe-ai
khaq bha jaol jaol gaoq neema teevq dao-ai tavq khi
mail geeqlaoq hal kev khi Gaolkheel yaq-i mail gaiq-
a nail milkhaoq doi dai bhi gaiq-ail bhel...

Neenoeq neekha mao dai maq heeq khi ngaol neq
Gaolkheel yaq bhai gaiq-a nail phaq aol khi khaqmao
sanl mail aqlavq cavq khi miltsaqaq nail haq bhoil
dai aqbhaq bhi bhaq-ail bhel.....

Cho:..Milkhaol doi dai Miqyail-i gaiq-a nail phaq yu
teevq gaq-ai cavq gaiq gaiq-a nail aqtsaq-ol... gaiq-a
nail laqkhoel miltsaqaq juq heeq nia dai ..hul....
Gaolkheel yaq-i mail gaiq-a nia nail phaq milkhaoq-ai
bhi gaiq-ail bhel...

(59) Miqyail maq ngel-ail nul

Miqyail maq ngel-ail nul khaq sil gaq nqtavq
kovtavq-ai jaol Miqyail maq ngel-ail nul ngal
noeqthunq nail phaq maq jiav Miqyail maq ngel-ail
nul khaq sil gaq ngaq-ai maivbhil siv lavq Miqyail
maq ngel-ail nul khaq sil gaq ngaq-ai neesal bivq nia
nail..

Cho:...Ngaq nail neema aqmaol maq ya cov-ail dai
Miqyail ngaq-ai hevq jel lavq khi neesal ovq nail
lavqkhoel ngaq-ai bhi jaol lavq khi geelaoq eel jaol
teevq yeel ya-aoq naol...

(60) Kovq-ail-aiq nail aqtsaoq-ol

Maq noil peivq lee-il naoq-ai nee ya moel tavq-a nail
maq noil peivq lee-il aqtsaoq-ol.... khaq bhai moel lee
gaoq neq aqivq jaqbheq khe-ai aqlavq he khi daoq ge
tsaoq lavq dei-eiq....

Cho:...Kovq-ail nail aqtsaoq-ol aqlavq he-ail ceevq
naol jaol-ail ceevq dei-eiq aqtsaoq-ol kovq-ail nail..

(61) Ilkhaol maq bhao nail maq ngel-ail

Ilkhaol maq bhao maq ngel-ail ilkhaol-ai noeq moel-ail nial al hai ngaol-aoq ngaq nail Gaolkheel yaq oeqbal lavq khoel-ai haq-il mail Yeiqsul nee ail ha thaonq iqsanl ilkhaol khe-ai dul bhaiqtsil, keivqavq juq aqkheel bhao gaoq Yeiqsul ilkhaol maq bhao-ail..

Cho:..Miqyail nail geeqlaoq daoq neema bhai gevq thaq ai phal thaoq phi khi lainq thaq yaoq teevq pov gaoq ail bhel aqtsaoq maq bhao gaoq neq Yeiqsul nee ail naol miltsaq daoq loi khaq bhai sanl ngaq nail ilkhaol pevq-ail nial..

Ngaq-i khal ail nail khal jaol nail-a ngaq nail ilkhaol pevq-ail nial...

(62) Yeiqsul-ai uqhuq thaoq naol

(Yeiqsul-ai uqhuq thaoq naol Yeiqsul-ai uqhuq thaoq naol...neegeel aol nail juq khe-ai ngal naoq bhai uqhuq thaoq naol. Tsiqueeq nail daoqsel gul khi goil gaiq-a nail phaq danq bhi naol Yeiqsul bhaq-aoq eeq nail Miqyail gaolbeiv khi uqhuq thaoq naol..peevq ceevq doiq khi uqhuq thaoq naol...)²

(63) Naoq nail doiqbey sivtavq-ai

V.1.. Naoq nail jaol duq naoq nail doiq bev sivtavq-ai ngal aol lal khi ngal thaoq hal lal-a naol..meeq haol nail neema aqsivq bivq lavq ngaq nail yeel bhai naol tsiq haol lavq yaoq.....

V.2.. Ngaq nail aqhaqlal ngaq nail geeqlaoq hal daoq naoq nail sivtavq-ai tsaq nail daol nail phaq ngal gul khi tsiqueeq yaoq daoq yaoq nee naoq nail sivtavq-ai haol nail phaq taivq-ail bhi pevq lavq...

Cho:..Heeqphaq Yeiqsul-ol naoq bhai ngal hal nail ngaol gaoq haq gaiq-a khi geeqlaoq bivq lavq yaoq...Ngaq nail teevq yeel Miqyail milkhaoq eeq lal nia dai ngaq nail neema-ai tsiqhaol khi yuq lavq yaoq.

(64) Daoltavq yaq-ai Miqyail gaiq-a naol

Moe nail gaoqjaoq-a jaol naol n juq gaiq-a nail
Gaolkheel yaq juq neq haqtsoiq haqyal iqsanl jiav khi
heetsul dai mail ma-ail jaol meeq-il....

Yalgaol-a ail khi maildu kha-ail naol. Maildu eeq lal
khi mi lal-u phao koevq khi mail kavkhail-ai oil bhoel
phi khi mail ilkhaol bha kov lai naol..

Cho:..Gaolkheel yaq juq laqkhiq tsail n juq n juq
Gaolkheel yaq neq yalgaol maiq khi yalgaol duq gov
iqsanl kha-ail naol..gov juq mil lal gil-u phao gaiq-
aoq bavq khi gov gaiq-ail naol..

Daoltavq-ai jaol nail Gaolkheel yaq bhai Miqyail
gaoqhaq gaiq-a dee dee nail bhaq da nee yanq gaol
kev-ai hel daiq lavq-a nail Miqyail geeqlaoq bhai
tsiqeeq naol...

Aivq nail yaqyov teevq gaq teevq-eel gaol-aoq oeqlbal
yaq-ai gaiq-a dee dee nail bhaq da miltsaq kovqtavq-
ai bhi lee khi lavqyavq kovtavq-aiq bhi khanq sil lee-a
naol...

(65) Aqyanq

Miqyail-i mail bivq lavq-a nail aqyanq bhai aqnievq
nieivq kav-ail thaq bhi pevq-ail aqtsaoq juq-ol...
aqphoiq bhao dai doevq dav jaol dav yaoq Miqyail
neekhaol sil nail phaq bhiq pevq yaoq...
Cho:..Naoq-i doevq nail aqyanq lavq khoel-ai
aqphoiq bhao dai laijai nl hal yaoq Miqyail nail
lavqkhoel-ai nl hal yaoq...

(66) 1n nee mail 7n

1n 2n 3n Miqyail bhai noeq moel
4n 5n 6n Miqyail-ai geeqlaoq hal
7 n kev Miqyail bhai tsiqeeq naol..

(67) Lavqyavq kovtavq khe Yeiqsul

(Lavqyavq kovtavq-ai khanq sil lee-a nail Yeiqsul
neq oeqlaoq nee mail aivq bhi jel-ail lavq tsiqeeq-u
geel-nvq nail Yeiqsul nail aqmil bhai tsiqeeq khi
Haqleijkluyaq dai gul khi tsiqeeq bhel..)²

(68) Gaolkheel yaq-ai gaq bivq yaoq

Gaolkheel tsaol jeq-e khaq bha jaol gaoq teevq bhu teevq ma nail yaq teevq-eel ngaol. Gaolkheel nail yaq Gaolkheel daoq ge khi neema tavq khi laijai nl bhel..

Neegeral aol nail Gaolkheel tsaol jeq-e maivphaoq eeq nil nail thaq tsel pav lalyaoq aqtsaoq juq-ol teevq gaq khe-ai nl bhel laijai nail lavqkhoel-ai nl dal laiq bhel...

Cho:.. Gaolkheel yaq eeq lal dai gaq bivq yaoq aqtsaoq juq-ol..... nga dao nail jeq-e jaq-a eeq lal dai noeqlunq nail lavqkhoel-ai nl dav bhel....

(69) killinl killinl dai..

Killinl killinl dai Miqyail/ Yeiqsul-ai khul daiq bhel killinl killinl dai ngal naqgaiq ge tsaoq-u Miqyail/ Yeiqsul neq ngaq bhai ge lavq nail khul loq gaoq ngaq nail aqmil-ai juq khi hal haq neq naol geeqlaoq ya naol Miqyail geeqlaoq-ai tsiqeeq naol (geeqlaoq eeq naol Yeiqsul-ol)

(70) Neema tavq khi nl bhel

Aqivq jaqbheq iqsanl peivq-ail gil aoq nial maqnoeq
maqdul dai peivq-ail gil aoq thaq nial neema laqkhoel
khe noeqthunq nail phaq tsaq nail jil nail phaq gail
maq jiav-aiq nial....

Nga dao teevq gaq taivq-ail nl dav haq neq tsaol jeq-e
eeq lal dai maq nl kivq-ail... heeqphaq Miqyail neema
tsaqnail khe-ai tsaq nail jil nail phaq nieivq thaiq khi
mail aqlavq cavq nl bhel..

Cho:..Ol..ol..o..nga dao Gaolkheel yaq/ mail nail juq
ol..ol..o.. aqlavq cavq nl bhel... nga dao teevq gaq nail
neenoeq taiqvq-ail noeq haq tsaol jeq-e eeq lal dai maq
nl kivq-ail neema teevq dao-ai tavq khi nl laiq ha nga
dao nail tsaol jeq-e gail eeq lal naol..bhaq-aoq eeq
nail heeqphaq Miqyail sivtavq-ai eeq nail ivq nail
munl pevq lal nia dai yaqnoil yovkav neema teevq
dao-ai tavq khi mail aqlavq cavq nl bhel...

(71) Doeinq yeel laoljaol

{(Doeinq yeel laoljaol neesal laoljaol ngaq nail neema laqkhoel-ai ilbhoel lee)²

Tsiqeeq nail gul daoq ngal tsiqeeq nqtavq gul daoq ngal tsiqeeq..... nqtavq nqdil neema haq aoq iqsanl lavq peivq gil...}²

(72) Khallilsilmal aqyanq gaoq kev lee-aoq nial

(Meeq nail jaq nail aqeiv eiv lee-u bhai khallilsilmal aqyanq gaoq kev lal-aoq nail... thaoqphoiq, bhoeloe deeq khi daoq cavq cavq khi mail heeqphaq Yeiqsul bhai havlavq bhel..)²

Cho:..Daoltavq-ai jaol nail nga dao Gaolkheel yaq khul gail maq heeq maq nia gaoq neq, aq-il khe-ai khallilsilmal aqyanq kev lee-u bhai laqkhiq teevq tsail peiq-aoq bhel...

(73) Haqleijklalyaq

(ha....haqleijklalyaq)⁸

Nqbho jiiv khi Miqyail bhai tsiqeq gil bhel
Tsaillail tsiq khi Miqyail bhai tsiqeq gil bhel
Bhoeloe deeq khi Miqyail bhai tsiqeq gil bhel
Dilnvq deeq khi Miqyail bhai tsiqeq gil bhel...

Cho:....(Miqyail nail sivtavq bhai daoqsel aqsivq gul
khi tsaol meeq tsaol haol juq nail sivtavq nee mail
Miqyail bhai tsiqeq naol....)²
(haq...haqleijklalyaq)⁴

Aqthel gul khi Miqyail bhai tsiqeq gil bhel
Lavqpav teiv khi Miqyail bhai tsiqeq gil bhel
Tsillil jiiv khi Miqyail bhai tsiqeq gil bhel
Bhoeloe niu khi Miqyail bhai tsiqeq gil bhel...

(74) Ge daiq-u phao maq gil lai nia

(Ge daiq-u phao maq gil lai nia tsiqeeq phao maq gil
lai nia...

Y.....ngaqbhai hevqkovq nail gaq ngaq nail heeqphaq
Yeiqsul...

M....nqmaq maq luv hal yeel naoq bhai tsiqeeq naol)²

Y...(Ngaq nail neema laqkhoel ngaq nail aqhaqlal
iqsanl mail khaqmao kev dai ngal naoq bhai tsiqeeq
naol.....)

M...(Laqkhiqtsail nail yanq maq khaiq noeqhaq noeq
aoq nail yanq maq khaiq khaqmao kev dai neesal bivq
nail Miqyail....)

(75) Meeq daiq ga nail Miqyail

V1..Meeq daiq ga nail aqkivq niil kivq nail laqkhoel-ai, ngal tsiqeq-u phao teevq pov Miqyail nail geeqlaoq bhai..bha la nltsal bhaq daiq ga-ail. Aqqil aq hel meeq daiq ga-ail...iqlsanl mail Miqyail-i bhai thaq nail...

V2...Gaoqjaoq khaol jaoq teevq juq hel daiq meeq daiq ga-ail.. haol daiq ga nail ulcuvq iqlsanl yavq kha gil-aiq nial... aqbhaol aqpavq hel daiq meeq-ai aqeiv huqbhiq nil daiq ga-ail... iqlsanl mail Miqyail-i bhai thaq nail....

Cho:.... Miqyail-ol naol (meeq daiq ga-ail)² tsiqeq
geel-nvq nail Miqyail-ol...
Miqyail-ol naol eeq daiq ga-ail...daqmoe bha jaol khi
bhaq-aoq eeq nail gaq Miqyail ngaol. Naol meeq daiq
ga-ail...

(76) Haqleqlalyaq Yeiqsul bhai tsiqeeq

V.1..Laqkhiqtsail duq jiav daiq ga-ail heeqphaq
Yeiqsul nail sivtavq bhai khul phaq iqsanl aivq bivq
lavq tsiqeeq duq jiav gao-ail...

V.2..Maivpeivq iqsanl mail moel lal sil-ai thaq nail
tsaol-aq gail doevq lal nail Yeiqsul Khali nail bhaq-
aoq neq meeq jel daiq ga-ail...

Cho:.... haqleqlulyaq heeqphaq Yeiqsul bhai tsiqeeq
yaoq naol noeq haq duq jiav gaoq aivq bhai ge bhiq-o
haqleqlulyaq heeqphaq Yeiqsul bhai tsiqeeq yaoq
naoq nail neema laqkhoel bha thaq nioil peivq dei-
eiq..

(77) Miqyail miltsaq yaq bhai gaiq-a naol

V.1.. Miqyail miltsaq yaq bhai kha dai gaiq-a nail ganl bhai naoq nail neema laqkhoel bha noeq daiq aol laiq...teevq gaq teevq-eel aivq nail yaqmal miltsaq kov tavq-ai lee khi oeql bal yaq gal duq doeavq yeel danq-a nail...

V.2.. Ngadao tsaol-aq yaq neq oeqlbal taivq-ail nl nail oeqlbal nail aqphoiq neq sil nail teevq phaq ngaol thoil thaiq-ai Miqyail gaoq haq khi oeqlbal nee jel-ail kivq dai lavqyavq kovtavq-ai aivq khanq sil lavq-a naol.,

Cho:.. Eeqdaiq heel daiq ga nail Miqyail nail geeqlaoq yanq gaol nga dao juq ya-ai thaq nail tsiqeeq-u maq gil lai tsiqheel-u maq gil lai miltsaq yaq bhai Miqyail gaiq-a daiq ga-ail.....

(78) Nqmaqmaqluv jaolduq Miqyail milkhaoq

V.1.. Miqyail-i bhai thaq nail miltsaq niil heldaiq
meeq khi meeq daiq ga-ail.. jaol-u maq bov
nqmaqmaqluv jaol movq lal-il... thail-ai ngaol-aoq
tsaol-aq yaq nail doevq yeel neq niaiq-ai
nqmaqmaqluv maq jaol kivq-ail. Miltsaq niil neq
nqmaqmaqluv maq ngel-ail..

Cho:... Malmal dildil deel jaol duq neq nqtavq kov
tavq Miqyail milkhaoq bha ngaol... a bhai neq daoq
loi loi lai nail maq bhao miltsaq niil nee iqsanl meeq
jaiq nail nqmaqmaqluv ya doevq duq Yeiqsul Khal
nga dao gal duq lavsav-ai thaq naol.....

(79) Seiqleiq khaoqsail eeq nail Miqyail

V.1.. Meeq daiq ga nail heeqphaq Miqyail-ol naoq bhai tsiqeeq nail khi naol nail sivtavq bhai n juq jil lal-u phao meeq haol nail aqhaqlal jaol lee....

V.2.. Heeqkivq khi nl laiq thaq nail oebal khi maq heeq kivq-ail nl laiq thaq nail oeqlbal iqsanl mivcil phaiq lavq yaoq naol a loq jiav nail khe-ai aq doeinq doeinq kivq nail neema aqsivq phaq bivq lavq....

Cho:.. Heeqphaq nail heeqphaq Miqyail gail Miqyail seiqleiq khaoqsail bhaq-aoq eeq nail Miqyail-ol naoq nail geeqlaoq bhai n juq tsiqeeq-u bhai maq gil lai khaqmao gail n juq bhai bivq lavq.. gaiq-a nia nail heeqphaq seiqleiq eeq nail Miqyail bhai nqmaq maqluv aivq bhai tsiqeeq ga naol....

(80) Neesal ovq nail phaq bivq lavq

V.1.. Ngal gailkhaol tsao khi ganl nl-u phao ngaq nail aqjail-ai Yeiqsul jaol nail ngaol. Haqnail aoq nail phaq ngal ya thaoq phuq gaoq ngaq nail aqtsaoq Yeiqsul jao-ai lavq....

V.2.. Ngal haq nail aoq nail aq gaq aqdoi maq jiav, phul, heel, ildaoq maoqgaiq ngal maq jiav, jaq nail daol nail iqsanl ngal maq jiav lao gaoq ngaq-ai nee jaol khi bivq lavq...

Cho:.. Noeq haq noeqlaoq u phao neesal ovq nail bivq lavq ngaq bhai gaiq-a daiq ga nail Yeiqsul ngaol... Maivbhil dov lee-u phao maivbhil sivlavq nail ngaq nail aqtsaoq meeqlaoq nail Yeiqsul.....

(81) Ngaq nail aqmaol neema nee

Miqyail mail bhi lee-a nail aivq nail yaq miltsaq
kovtavq-ai doevq lee-a naol...

Oeqbal yaq-ai gaiq-a nail ngel-i lavqyavq bhai
nga dao gal duq aivq khanq sil....

Cho:.... (Ngaq nail aqmaol neema nee Miqyail-ol
naoq nail sivtavq-ai ngal aol lal... ngaq nail yeel
naoq bhai danq naol... teevq yeel gil-ai....

Haqleqlalyaq dai gul khi mail laqkhiq teevq tsail
naoq nail sivtavq-ai aol lal khi thaoq hal naol..
ngaq-ai gaiq-a nail heeqphaq Miqyail/ Yeiqsul-
ol..

(ngaq nail doevq yeel-ai geeqlaoq bivq lavq)

(82) **Gul gul-ail tsiqeeq**

- * Laqkhiqtsail nail mail bhee lovq nail ngadao-i
doevq nail aqhaqlal heeqphaq Yeiqsul hevqkovq
gaq-ai lavq.....
- ** Goil gaiq-a nail mail bhee lovq nail nga dao
nail doevq yeel-ai heeqphaq Miqyail tsu lovq
lavq...

Cho:... Haleiqlulyaq aivq bhai tsiq phoiq, aivq
bhai tsiqeeq yaoq, aivq bhai khul yaoq..... gul
gul-ail tsiqeeq..... (Haqleiqlalyaq)3
(haqleiqlulyaq)3
gul gul-ail tsiqeeq...

(83) Yeiqsul-ol naoq bhai daonq naol

* Khaqmao iqsanl ngaq nail neema-ai laqkhiq bhi tsal nia.. khaqmao iqsanl ngaq nail aqhaqlal-ai hevq daiq lavq...haol nail Miqyail-ol naoq nail bhaq-aoq-ai ngal loq naol...

** Khaqmao iqsanl ngaq nail neema-ai jaolhal bhi dov lavq.. khaqmao iqsanl ngaq nail aqhaqlal-ai gaq bhi kav lavq... haol nail Miqyail-ol naoq bhai khul nail ngaol....

Cho:... Naoq nail doiqbev niaiq-ai he thaq khi naoq nail aqmaol niaiq-ai jaol lee yaoq... ngaq nail neema-ai naol aqtsaoq tsaoq lavq yaoq..... naoq nail doiqbev niaiq-ai he thaq khi haol nail Miqyail niaiq-ai uvthaiq khi ngaq nail aqhaqlal-ai naol gaq bivq lavq yaoq....

(Ngaq nail neema aqhaqlal nee khaqmao kev dai naoq bhai khul naol... aqthel gul khi naoq bhai daonq nail ngaol...)

(84) Iqsanl nee eeq jaiq nail gaq bhai ngal tsiq eeq naol

- 1.. Ngaq nail aq tsaoq heeqphaq Yeiqsul ngal noeq haq-u phao nee sal bivq lavq nail gaq...
- 2.. Heeqphaq pevq gaoq Yeiqsul neq ngaq nail aqtsaoq dai saol-nvq lavq-a nail gaq....eeq nail gaq.

CHO: Heeqphaq kov tavq-ai heeqphaq ngaol ngaq nail gaq hal duq pevq naol...
iqsanl nee mail eeq jaiq nail gaq bhai tsiq eeq naol.

(85) Ngaq nail doevq yeel bhai naol yuq lavq

- 1.. Miqyail-ol naoq bhai ngal hal nail ngaol, Miqyail-ol naoq bhai ngal khul naol, Miqyail-ol ngaq bhai naol hel daiq lavq, Miqyail-ol ngaq bhai naol tsao jao-ai lavq..
- 2.. Aqmaol neema aqhaqlal iq sanl naoq bhai ngal av naol. Ngaq nail doevq yeel bhai naol yuq lavq..

CHO: Heeqphaq Yeiqsul-ol naoq bhai ngal tsiq eeq naol Heeqphaq Yeiqsul bhai ngal tsiq eeq naol.. Haqlaiqlulyaq dai gul khi ngal tsiq eeq naol.

(Haqlaiqlulyaq)³ dai gul khi tsiq eeq naol.

(86) Miqyail gal duq bhi pevq naol

Ngaq nail doevq yeel Miqyail gal duq bhi pevq naol
ngaq nail aqhaqlal iqsanl Miqyail bhai av naol.

Ngaq nail neekhaol iqsanl mail khaonq ha khi iqsanl
mail Miqyail bhai juq naol.

CHO: Heeqphaq Miqyail-ol naoq bhai ngal av naol.
Naoq bhai ngal tsiq eeq naol aqbhu Miqyail-ol.

Heeqphaq Miqyail-ol ngaq-i mail tsiq eeq nail aqthel
bhai naol nal daiq oil khi mail yuq lavq yaoq.

(Ngaq-i ail nail gailkhaol khul khaol iqsanl mail
Miqyail naol neema tsaq nail phaq bhi pevq lavq)

(87) Yeiqsul nail aqsivq nail bhaq-aoq

Yeiqsul nail aqmaol oeqbal iqanl phi khi mail lavq
yaq kov tavq bhai khanq sil, Yeiqsul nail aqsivq
oeqbal iqsanl tsiq haol khi jel-ail a nail gailkhaol
teevq khaol ngaol.

CHO: Yeiqsul-ol naoq nail yeel bivq lavq-a nail bhai
yaoq-n yaoq-n nee tsiq eeq ga naol. Yeiqsul-ol naol
gaoq yavq kha lee-u kevq dai daonq khi mail tsiq eeq
ga naol.

Yeiqsul nail aqmaol yu deeq khi mail oeqbal phi khi
ngaq-ai hevq kovq lavq Yeiqsul nail aqsivq miltsaq
kov tavq-ai dov khi mail gaiq-a nail bhaq-aoq aqsivq
ngaol.

(88) Teevq jeq-e jaq-a pevq naol

Teevq bhu nee mail doevq lee-a nail, teevq jeq-e jaq
nee doevq lee-a nail (ngaq dao nail mail nail/ Miqyail
mail gaiq-a nail) juq ngaol.

Miltsaq kov tavq khe jaol nail tsaol-aq yaq juq iqsanl
ngaq dao nail aqivq jaqbheq teevq-eel ngaol.

Mail ma-ail meeq nail Eiqdeiq bhai neesal ovq nail
Miqyail nail teevq bhu khi teevq ma yaq ngaol. Mail
ma-ail doil nail saqdaq mail jal mul mul nail lavq
khoel Miqyail nee ya eq-ail-a nail ngaol.

CHO: Miqyail nail geeqlaoq daoq-ai nga dao cavq
gaiq naol lavq khiq teevq tsail-ai cavq-ail naol.

Heqkovq nail ganl bhai iqsanl ya gaiq dai ail bhel lal
yaoq gaiq-a nail aq tsaoq-ol..

(Lal gil yaoq thul lal yaoq aqivq jaqbheq juq-ol
Yeiqsul-ai maq heeq nia nail-a.... Heevq kovq nail
ganl bhai iqsanl ya gaiq dai lal yaoq nga dao cavq
gaiq bhel..)

(89) Ngaq-ai nee jaol nail Yeiqsul

Ngaq-i mail ail nail gailkhaol teevq n teevq n ail jel
khi, aqbhaq gailkhaol lavq khoel noeq thunq duq
teevq bee jivq nail -a, Aivq ngaq-ai gailkhaol hevq
daiq lavq-a nail doevq yeel gailkhaol-ai laqkhiq tsail
neesal ovq khi Miqyail ngaq nail doevq yeel-ai gaq
bivq lavq naol.

CHO: Aivq-i khul nail aqthel ngal yaq gaiq-u phao,
ngaq nail doevq yeel ngaq nail aqhaqlal gaq teevq
bhee aol...lavqyavq nail gailkhaol eq gaoq lai jai khi
lai naol..ngaq nail Yeiqsul ngaq-ai nee jaol nail teevq
yeel gil dai aivq maq pavq-ai dai...hul....alll../

(90) Ngaq-i geeqlaoq hal-u phao

(Khaq mao gail ngal geeqlaoq hal-u phao nqtavq khe
aqthel bhai ya gaiq, khoiq thail lavq-a nail aqthel al
ngaq nail neema neesal ya khi ngaq nail yeel iqsanl
danq-o dai ge nail...

CHO: Neema iqsanl ngaq-ai taivq-ai danq-o dai,
aqmaol iqsanl ngaq-ai taivq laol-o dai, alhai ngaol
haol nail Miqyail hevq daiq lavq haq khaq bha ail
gaoq khul pevq lal gaoq pevq naol.....)²

(91)Aoqsivq jaq nail bhaoq-aiq

Ngaq dao-i ail nail gailkhoal teevq-n teevq-n
ail jel khi ngaq dao nail doeq yeel lavq khoel
noeq thunq duq teevq bhee bivq lavq...
teevq kovq teevq pov bhaoq-aiq nail aoqsivq
jaq nail bhaoq-aiq bhai Miqyail bhai tsiqeeq
naol ngaq nail aqmaol neema aqhaqlal iqsanl..

CHO: Naoq bhai danq naol bhaq-aoq eeq nail
Miqyail-ol phul, heel juq nee maq tsil ngaq nail
aqmaol danq naol... sivtavq phao lai nail
gailkhaol-ai naol hevq daiq lavq naol...ngaq
nail Yeiqsul geeqlaoq aqheel pevq nail pevq
nail Miqyail naoq bhai tsiqeeq naol...ul...al...

(92) Aqgoe nail gailkhaol pevq gaoq

Aqgoe nail gailkhaol pevq gaoq Miqyail naol
khoel haq..haq aoq khi yeel ya danq gaoq
neekhaol sil naol.. ngaq nail doevq yeel khaq
mao gail naoq nail aqlavq-ai danq khi mail siv
tavq phao lai naol...

Tsalhail nail dai kav pevq gaoq Miqyail naol
khoel haq.. naol khoel nail-a ngal lai kev naol
ngaq nail yeel danq khi ngaq nail doevq yeel-ai
nqjaiq lilmoel bhoe lal gaoq lai jai khi siv tavq
phao lai naol..

CHO: (Tsalhail dai kav bhai ya lai gaoq iqyaq
iqma eelkhaol thaoq gaoq Miqyail gal duq neq
khul pevq lal gaoq ngal laiq naol.)² sivtavq
phao lai naol ngaq nail yeel Miqyail gal duq

(93) Gailkhaol nvq khaol

Miltsaq kov tavq-ai doevq nail tsaol-aq yaq juq maq ivq-ail.. yaoq gaq yaoq-ao nee daq-i teevq ngaol teevq yanq khi-aq neq ya kovq lai..naoq nail yeel gil lai haq neq khul bhai noeq thunq duq jiav nail aqhaqlal gailkhaol nvq khaol jiav-ail teevq ngaol..

Tsaol-aq yaq iqsanl mail sil nail phaq bhai maq tsaoq jel nia-ail miltsaq oil khi teivq-ai thaq nail khe-ai teevq-n miltsaq ya pevq-ail naol. Aqmeeq-ai noeq geel khi doevq yaoq sil nail milkhaoq khi nvqtavq milkhaoq jiav-ail teevq-eel ngaol yanq gaol nee aqmeeq meeq dai tsel pav khi naol yeel maq gil-u nee mail saol-nvq daiq yaoq...

CHO: Gailkhaol nvq khaol jiav nail ngaol naol khul khaol bhai doevq nail naol noeq ceiv nail

laiq-ail jel haq naoq nail haqbhoil ya haq nail
ngao, ngaq daoq-ai gaiq-a khi hevq kovq lee
lavq-a nail gaq neq Yeiqsul teevq-eel ngao
tsaq nail gailkhaol aivq pevq naol..

(94) *Hevq kovq nail gaq doeinq lee-aoq nail*

(Yuldav Bhaillaiq meenq khe niaoq nel niaoq
khu lavqkhoel bhai oeqlbal yaq gal duq hevq
kovq nail gaq doeinq lee-aoq nail heeqphaq
Yeiqsul dai khul nail ngao.)²

Aqma nail sivtavq-ai tsiq-nq thaq-il yaoq gaq
yaoq-ao nee lal gil yaoq hav lavq bhel...
heeqphaq Yeiqsul neq miltsaq yaq bhai gaiq-a
nail ngel-il oeqlbal yaq gal duq doeinq lee-aoq
nail...

(95) *Kovqsivq khi mail kovqlil*

Kovqsivq laqkhoel-ai aol lai-aoq nial.. kovqlil
juq gail jel-ail ceevq-ao nial..lal yaoq aqtsaoq

juq-ol kovqsivq laqkhoel-ai teevq gaq khe-ai
aol lai bhel...

Nl jel-ail ceevq-a nail maqmeeq nail phaq-ai
khaoq-nq ha khi mail sivtavq phao Miqyail
neema tsaq nail phaq bhai ngadao nl dav bhel...

(96) Lal yaoq aivq bhai uqhuq thaoq lai bhel

Diqsiqbhaq aqyanq kev lal haq neq tsaol-aq
yaq iqsanl laqkhiq tsail naol..

Teevq kovq khi-aq teevq kovq aqyanq jel-ail
gaoq maq nioil peivq lee, gaiq-a nail aqyanq
niil..

Tsaol jeq-e iqsanl nail haq bhoil miltsaq kov
tavq-ai doevq lee..... oeqlbal yaq-ai hevq kovq
nail dai miltsaq kov tavq-ai doevq lee....

Yul dav Bhaiqlaiq meenq nail lavq khoel bha
yaq nuq Yeiqsul teevq gaq doevq lee-aoq nail
gaiq-a nail aqivq jaqbheq juq-ol..lal yaoq aivq
bhai uqhuq thaoq lai bhel..

(97) Ngal gaq lai gaq-ao naol

(Niil-aq il ngal gaq lai gaq-ao naol)² gaq lai
nail phaq bhai yaq-aoq naol..
Yeiqsul ge lavq-a nail niil aq-il naol jel-ail
gaq-ao naol gaq lai nail phaq bhai ya aoq naol..
((Tsiqeeq)² naol hqleiqlulyaq)³ gaq lai nail
phaq bhai ya-aoq naol..

(98) Miqyail geeqlaoq maoq-aol khe-ai aol lee

Miqyail geeqlaoq ga lee..ol ga lee..Miqyail
geeqlaoq ilkha lee maoq-aol khe-aiMiqyail
geeqlaoq ngaq nail kov tavq-ai maoq-aol khe-ai
aol lee..

Heil-oq...naoq nail geeqlaoq-ai tsiqeeq naol..
Heil-oq ..naol gaoq haq gaiq-a naol..
Heil-oq..laqkhiq tsail bhoe loe niu naol..

(99) Khaqmao iqsanl tsiqeeq naol

Heeqphaq Miqyail-ol naoq bhai gaiq-a naol, ngal
khaq mao iqsanl tsiqeeq naol..naoq nail aqmil-ai

ngal khaq mao iqsanl tsiqeeq khi mail geeqlaoq hal nail ngaol.

Heeqphaq Miqyail-ol ngaq-ai nee jaol lavq ngal khaq mao iqsanl tsiqeeq naol naoq nail aqmil-ai ngal khaq mao iqsanl tsiqeeq khi mail geeqlaoq hal naol..

CHO: Geeqlaoq eeq naol ol Miqyail-ol aqthel gul khi naoq nail aqmil-ai tsiqeeq naol ol Miqyail-ol geeqlaoq eeq naol..naoq nail aqmil-ai khaq mao iqsanl tsiqeeq naol.....

(100) *Laiq-nq gai yaoq*

Miltsaq kovtavq-ai doevq nail tsaol-aq teevq yanq lal yanq doevq-ail teevq ngaol.. doevq lee-a nail aqn bhai heeq nia gaoq neq sil nail aqn bhai maq heeq nia-ail...

Aqtsaoq juq nee gaoq-ail gail-ail miltsaq kovqtavq-ai doevq-u phao sil nail phaq bhai teevq gaq-iq maq tsaoq jel-ail nia yanq gaol naoq nail doevq yeel-ai aqmeeq-ai saol-nvq daiq yaoq aqyanq thaq bhi jel-ail....

CHO: Naoq nail doevq yeel lavq khoel-ai laqkhiq tsail nail phaq bhai taivq-ail naol tsao the haq neq

maqnoeq maqdul-ail jaol-u phao naoq nail doevq
yeel sunq-ail haq-aq khul nail ganl maq tsoiq yaoq
dei-eiq.....